



74
6270
4



6270
4

羣書治要卷第九



宋五味均平藏

秘書監鉅鹿男臣魏徵等奉 勅撰

孝經 論語

孝經

仲尼居

仲尼孔子字

曾子侍

曾子孔子弟子也

子曰先王有

至德要道

孔子者

以順天下民用和睦上下無怨

以用也睦親也至德以教之要道以化之是以民用和睦上下無怨也

汝知之乎

曾子避席曰參不敏何足以知之

參名也參不達

子曰

夫孝德之本也

人之行莫大於孝故曰德之本也

教之所由生

羣書治要

卷之九

一



也教人親愛莫善於孝復坐吾語汝身體髮膚

受之父母不敢毀傷孝之始也立身行道揚名

於後世以顯父母孝之終也夫孝始於事親中

於事君終於立身大雅云無念爾祖聿修厥德

大雅者詩之篇名無念無忘也聿述也修治也為孝之道無敢忘爾先祖當修治其德矣

子曰愛親者不敢惡於人愛其親者不敢敬親

者不敢慢於人已慢人之親人亦慢已愛敬盡

於事親盡愛於父母而德教加於百姓敬以直內

故德教加於百姓也形于四海行見四海也蓋天子之

孝也呂刑云一人有慶兆民賴之呂刑尚書篇名一人謂天子天子為善天下皆賴之

在上不驕高而不危諸侯在民上故言在上敬

位而不制節謹度滿而不溢費用約儉謂之制危殆也

謂之謹度故能守法而不驕逸也高而不危所以長守貴也居

位能不驕所以長守貴也滿而不溢所以長守富也雖有一

而不奢泰故富貴不離其身富能不奢貴能不

能長守富然後能保其社稷上能長守富貴然後乃能安其社稷而其民

人薄賦斂省徭役蓋諸侯之孝也詩云戰戰兢兢

是以民人和也

兢如臨深淵如履薄冰

戰戰恐懼兢兢戒慎如臨深淵恐墜如履薄冰

陷恐

非先王之法服不敢服非先王之法言不敢道

不合詩書

非先王之德行不敢行

不合禮樂

是

故非法不言

非詩書

非道不行

非禮樂

口無擇

言身無擇行言滿天下無口過行滿天下無怨

惡三者備矣然後能守其宗廟

法先王服言先王道行先王德

則為備矣

蓋卿大夫之孝也詩云夙夜匪懈以事一

人

夙早也夜暮也一人天子也卿大夫當早起夜臥以事天子勿懈惰

資於事父以事母而愛同

事父與母愛同敬不同也

資於事

父以事君而敬同

事父與君敬同愛不同

故母取其愛而

君取其敬兼之者父也

兼并也愛與母同敬與君同并此二者事父之道

故以孝事君則忠

移事父孝以事於君則為忠也

以敬事長

則順

移事兄敬以事於長則為順矣

忠順不失以事其上

事君能忠

事長能順二者不失可以事上也

然後能保其祿位而守其祭

祀蓋士之孝也詩云夙興夜寐無忝爾所生

忝辱

也所生謂父母士為孝當早起夜臥無辱其父母也

因天之道

春生夏長秋收冬藏順四時以奉事天道

分地之利

分別五土

因上舊有子曰

二字刪之

未下九字恐有脫誤

視其高下、此分地之利、

謹身節用、以養父母、

行不為非、為

泰為節用、度財為費、父母不乏也、

此庶人之孝也、故自天子至

于庶人、孝無終始、而患不及己者、未之有也、

五孝、上從天子、下至庶人、皆當孝無終始、能行

孝道、故患難不及其身、未之有者、言未之有也、

曾子曰、甚哉、孝之大也、上從天子、下至庶人、皆

知孝之為大、子曰、夫孝、天之經也、春秋、冬、夏、物有

地之經、而民是則之、天有四時、地有高下、民

天之明、則、視也、視天四時、無失其早晚也、因地之利、因地高下

以順天下、是以其教不肅而成、以、用也、用天四

下、下民皆樂之、是以其教不肅而成也、其政不嚴而治、政不煩苛、

先王見教之可以化民也、見、因天地教、是故

先之以博愛、而民莫遺其親、先、修人事、流陳之

以德義、而民興行、上、好義、則民化於民也、先之以敬讓、而

民不爭、若、文王敬讓於朝、虞芮推畔、道之以禮

樂、而民和睦、上、好禮、則民示之以好惡、而民知

禁、善者賞之、惡者罰之、民知禁、不敢為非也、

子曰、昔者明王之以孝治天下、不敢遺小國之

臣古者諸侯歲遣大夫聘問天子天子待之以禮此不遺小國之臣者也而況於

公侯伯子男乎古者諸侯五年一朝天子天子使世子郊迎芻禾百車以客禮

待之故得萬國之歡心以事其先王諸侯五年一朝天子各以其職來助祭宗廟是得萬國之歡心事其先王也

治國者不敢侮於鰥寡而況於士民乎治國者諸侯也故得百姓之歡心以

事其先君治家者不敢失於臣妾之心而況於

妻子乎故得人之歡心以事其親夫然故生則

親安之養則致其樂故親安之也祭則鬼饗之祭則致其嚴故鬼饗之

是以天下和平上下無怨故和平灾害不生風雨順時百穀成熟

禍亂不作君惠臣忠父慈子孝是以禍亂無緣得起也故明王之以

孝治天下也如此故上明王所以灾害不生禍亂不作以其孝治天下故致

於此詩云有覺德行四國順之覺大也有大德行四方之國順而行也

曾子曰敢問聖人之德無以加於孝乎子曰天

地之性人為貴貴其異於萬物也人之行莫大於孝孝

德之本又孝莫大於嚴父莫大尊嚴其父嚴父莫大於

配天尊嚴其父莫大於配天生事愛敬死為神主也則周公其人也尊

其父配食天昔者周公為之昔者周公郊祀后稷以配天郊者祭

者周公為之

者周公為之

者周公為之

者周公為之

者周公為之

者周公為之

者周公為之

稷者周公始祖，宗祀文王於明堂，以配上帝。文王、周公天子布政之宮，上帝者天之別名。

是以四海之內，各以其職來

祭。周公用行孝朝，越裳重譯來貢，是得萬國之歡心也。夫聖人之德，又何

以加於孝乎？孝，憐之至，通於神明。豈聖人所能加。聖人因嚴以教

敬，因親以教愛。近於其父，教之為愛，順人情也。

聖人之教，不肅而成。聖人因人情而教，民皆樂之，故不肅而成也。其

政不嚴而治。其身正，不令而行，故不嚴而治。其所因者，本也。謂

孝也。父子之道，天性也。性，常也。君臣之義也。君臣非但義也。

父母生之，續莫大焉。父母生子，骨肉相連，屬復何加焉。君

親臨之，厚莫重焉。君親擇賢，顯之以爵，寵之以祿，厚之至也。故不愛

其親而愛他人者，謂之悖德。人不能愛其親，而愛他人，謂之悖德。

不敬其親而敬他人者，謂之悖禮。人不能敬其親，而敬他人，謂之悖禮。

人之親者，謂之悖禮也。謂之悖禮也。以順則逆，以悖為順，則

法不在於善，而皆在於凶德。善，乃化為惡，若桀

也。紂是也。雖得之，君子所不貴。君子不以其道，故君子則

不然，言思可道。君子不為逆亂之道，言行思可

樂。動中規矩，故可樂也。德義可尊，法也。作事可法，則也。容

止可觀，威儀中禮，故可觀。進退可度，難進而盡忠，易退而補過。以臨

其民是以其民畏而愛之畏其刑罰愛其德義則而象之

故能成其德教而行其政令詩云淑人君子其

儀不忒淑善也忒差也善人君子威儀不差可法則也

子曰孝子之事親居則致其敬養則致其樂樂竭

歡心以事其親病則致其憂喪則致其哀祭則致其嚴

五者備矣然後能事親事親者居上不驕雖尊為君

而不驕也為下不亂為人臣下不敢為亂也在醜不爭醜類也以為善

不忿居上而驕則亡富貴不以其道是以取亡也為下而亂

則刑為人臣下好作亂則刑罰及其身在醜而爭則兵朋友中好為忿

爭者惟兵刃之道三者不除雖日用三牲之養猶為不

孝夫愛親者不敢惡於人之親今反驕亂分爭雖日致三牲之養豈得為孝子

子曰五刑之屬三千五刑者謂墨劓而罪莫大

於不孝要君者無上事君先事而後食祿今反要君此無尊上之道非

聖人者無法非侮聖人者不可法非孝者無親已不自孝又非他人

為孝不可親此大亂之道也事君不忠侮聖人言非孝者大亂之道也

子曰教民親愛莫善於孝教民禮順莫善於悌

移風易俗莫善於樂夫樂者感人情樂正則心安

上治民莫善於禮上好禮則民易使禮者敬而已矣敬禮

宮下舊有割字刪之

之本有，故敬其父則子悅，敬其兄則弟悅，敬其君則臣悅，敬一人而千萬人悅，所敬者寡，悅者衆，此之謂要道也。化之，此謂要道也。

子曰：君子之教以孝，非家至而日見之也。孝於

內流化於外也。教以孝，所以敬天下之為人父者也。子天

父事三老，所以敬天下老也。教以悌，所以敬天下之為人兄

者也。天子兄事五更，所以教天下悌也。教以臣，所以敬天下之

為人君者也。天子郊則君事天，廟則君事尸，所以教天下臣。詩云：愷悌

君子民之父母，以上三者教於天下，真民之父母。非至德其孰

能順民如此其大者乎？至德之君能行此三者，教於天下也。

子曰：君子之事親孝，故忠可移於君；欲求忠臣，出孝子之

門，故可移於君。事兄悌，故順可移於長；以敬事兄則順，故可移於長也。

居家理，故治可移於官；君子所居則化，所在則治，故可移於官也。是

以行成於內，而名立於後世矣。

曾子曰：若夫慈愛恭敬，安親揚名，則聞命矣。敢

問子從父之命，可謂孝乎？子曰：是何言與？是何

言與？昔者天子有爭臣七人，雖無道，不失其天

下七人者謂大師大保大傅左輔右諸侯有爭

臣五人雖無道不失其國大夫有爭臣三人雖

無道不失其家尊卑輔善未聞其官士有爭友則身不離

於令名命善也士卑無臣父有爭子則身不陷

於不義故當不義則爭之從父之命又焉得為

孝乎委曲從父命善亦從善惡亦從惡而心有隱豈得為孝乎

子曰昔者明王事父孝故事天明盡孝於父事則事天明

母孝故事地察盡孝於母能事地察其高下視其分察也長幼順故

上下治卑事於尊幼順於長故上下治天地明察神明彰矣事

能明事地能察德合天地可謂彰也故雖天子必有尊也言有父

也雖貴為天子必有所尊必有先也言有兄也

必有所先事之若兄五更是也宗廟致敬不忘親也設宗廟四時齋戒以

祭之不忘其親修身慎行恐辱先也修身者不敢毀傷慎行者不歷危殆

常恐其辱先也宗廟致敬鬼神著矣事生者易事死者難聖人慎之故重

其文孝悌之至通於神明光于四海無所不通孝至

於天則風雨時孝至於地則萬物成孝至於人則重譯來貢故無所不通也詩云自

西自東自南自北無思不服孝道流行莫敢不服

子曰君子之事上也進思盡忠退思補過將順

上下下
舊有治
字刪之

其美，匡救其惡，故上下能相親也。君臣同心，故能相親。

論語

學而

有子曰：「孔子弟子君子務本，本立而道生，孝悌

也者，其仁之本與。」先能事父兄，然後仁可成。子曰：「巧言令色，

鮮矣仁。」子孔子，巧言好其言語，令色善其顏色，皆欲令人悅之，少能有仁也。曾子

曰：「孔子弟子吾日三省吾身，為人謀而不忠乎，

與朋友交而不信乎，傳不習乎。」言凡所傳之事，得無素不講習

者也。」子曰：「導千乘之國，導，謂為之政教也。敬事而信

為國者，舉事必敬，慎與民必誠信也。節用而愛人，節用，不奢侈也。國以民為本，故

愛養之，使民以時，不妨奪農務也。子曰：「弟子入則孝，出則

悌，謹而信，汎愛眾而親仁，行有餘力，則以學文。

文者，古之遺文。子夏曰：「孔子弟子事父母能竭其力，事

君能致其身，盡忠節，不愛其身也。與朋友交，言而有信，雖

曰未學，吾必謂之學矣。」子曰：「君子不重則不威，

學則不固，主忠信，無友不如己者，過則勿憚改，

主，親也。憚，難也。曾子曰：「慎終追遠，民德歸厚。」慎終者，喪

遠者，祭盡其敬，人君行此二者，民化其德，皆歸於厚也。有子曰：「禮之用，和

為貴先王之道斯為美小大由之有所不行知
和而和、不以禮節之、亦不可行也。人知禮貴和而每事從和

亦不以禮為節
亦不可行也

為政
子曰、為政以德、譬如北辰居其所而眾星共之、

德者無為猶北辰之不移而眾星共之子曰、詩三百、篇之大數一言以

蔽之、曰、思無邪、歸於正也子曰、導之以政、政謂法教齊之

以刑、民免而無耻、苟免導之以德、德謂道德齊之以禮、

有耻且格、格、正也子曰、君子周而不比、忠信為周阿黨為比

小人比而不周、哀公問曰、何為則民服、哀公、魯君諡也

孔子對曰、舉直錯諸枉、則民服、錯、置也、舉、正直之人用之、廢、置

邪枉之人、則民服其上舉枉錯諸直、則民不服、季康子問、

使民敬、忠以勸、如之何、康子、魯卿季孫肥也子曰、臨之以

莊則敬、莊、嚴也、君臨民以嚴、則民敬上也孝慈則忠、君能上孝於親、下慈

於民、則民忠矣舉善而教、不能則勸、舉用善人、而教不能者、則民勸子

曰、人而無信、不知其可也、終無信、其餘大車無輓、

小車無軌、其何以行之哉、大車、牛車、輓、輓端、橫木、以縛輓者、小車、駟

馬車、軌、輓、端、上、曲、鈎、衡、者、也、

八佾

林放問禮之本魯人子曰禮與其奢也寧儉喪

與其易也寧戚易和易言禮之本意失於奢不

祭如在言事死如事生祭神如神在謂祭百神定公問君使

臣臣事君如之何定公魯君諡孔子對曰君使臣以

禮臣事君以忠子曰居上不寬為禮不敬臨喪

不哀吾何以觀之哉

里仁

子曰君子無終食之間違仁造次必於是顛沛

必於是造次急遽也顛沛僵仆也子曰民之過

也各於其黨觀過斯知仁矣此黨謂族親也過

也子曰朝聞道夕死可矣子曰能以禮讓為國

乎何有何有者言不難也不能以禮讓為國乎如禮何

如禮何者言不能用禮也子曰見賢思齊焉見不賢而內自

省也子曰以約失之者鮮矣俱不得中奢則驕

憂患也子曰君子欲訥於言而敏於行訥遲鈍也

疾欲

公冶長

子貢問曰孔文子何以謂之文

孔文子衛大夫

子曰

敏而好學不耻下問是以謂之文

敏者識之疾也

子謂

子產有君子之道四焉

子產公孫僑也

其行已也恭其事上也敬其養民也惠其使民也義子曰巧言

令色足恭

足恭便僻貌也

左丘明耻之丘亦耻之

丘明魯大

史子曰已矣乎吾未見能見其過而內自訟者也

訟猶責也言人有過莫能自責也

雍也

哀公問弟子孰為好學孔子對曰有顏回者好

學不遷怒不貳過不幸短命死矣

顏回孔子弟子也遷者移也

也、不貳過、有不善未嘗復行也、

述而

子曰德之不修學之不講聞義不能徙也不善

不能改也是吾憂也

夫子常以此四者為憂也

子之所慎齊

戰疾

慎齊、尊祖考、慎戰、重民命、慎疾、愛性命也

子曰我三人行必得

我師焉擇其善者而從之其不善者而改之

言我

三人行、本無賢愚、擇善從之、不善改之、故無常師

子曰仁遠乎哉我欲

仁斯仁至矣

仁道不遠行之則是

太伯

子曰恭而無禮則勞慎而無禮則蕙蕙畏懼之貌也言慎

而不以禮節之則常畏懼勇而無禮則亂直而無禮則絞絞刺

君子篤於親則民興於仁故舊不遺則民不偷

興起也能厚於親屬不遺忘其故舊行之美者也則皆化之起為仁厚之行不偷薄曾子

曰士不可以不弘毅任重而道遠弘大也毅強而能斷也士

弘毅然後能負重任致遠路也仁以為己任不亦重乎死而後

已不亦遠乎仁以為己任重莫重焉死而後已遠莫遠焉子曰如有

周公之才之美使驕且吝其餘不足觀也已子

曰不在其位不謀其政欲各專一於其職也子曰學如不

及猶恐失之言此者勉人學也子曰巍巍乎舜禹有天

下而不與焉美其有成功能擇任賢臣子曰大哉堯之為君

也巍巍乎唯天為大唯堯則之則法也美堯能法天而行化也

蕩蕩乎民無能名焉蕩蕩廣遠之稱也言布其德廣遠民無能識名焉

煥乎其有文章也煥明也其立文垂制又著明舜有臣五人

而天下治禹稷契皋陶益也武王曰予有亂臣十人亂

也治官者十人謂周公召公太公畢公榮公大顛閔夭散宜生南宮适其一人謂文母也孔

子曰才難不其然乎唐虞之際於斯為盛有婦

本書布
其作其
布

人焉九人而已斯此也言堯舜交會之間比於此周周最盛多賢然尚有一婦

人其餘九人而已人子曰禹吾無間然矣菲飲

食而致孝乎鬼神惡衣服而致美于黻冕昇宮

室而盡力溝洫禹吾無間然矣間非也菲薄也致孝于鬼神謂

祭祀豐潔也黻祭服之衣冕冠名也

子罕

子曰譬如為山未成一簣止吾止也簣土籠也此勸人於

道德也為山者其功雖已多未成一籠而中道

止者我不以其前功多而善之見其志不遂故譬如平地雖覆一簣進吾往也平地者將

始覆一簣我不以其功少而薄之據其欲進而與之

顏淵

顏淵問仁子曰克己復禮為仁克己一日克己

復禮天下歸仁焉一日猶見歸為仁由己而由

人乎哉行善在己曰請問其目知其必有條子

曰非禮勿視非禮勿聽非禮勿言非禮勿動此

者克己復禮之目曰回雖不敏請事斯語矣敬事此語必行之

仲弓問仁子曰出門如見太賓使民如承大祭

仁之道莫尚乎敬已所不欲勿施於人在邦無怨在家

無怨

在邦為諸侯，在家為卿大夫。

子張問明，子曰：「浸潤之譖。」

膚受之愬，不行焉，可謂明也已。

子張，孔子弟子。顓孫師也。譖人

之言，如水之浸潤，以漸成之。膚受，皮膚外語，非其內實也。

浸潤之譖，膚受之

愬，不行焉，可謂遠也已。

無此二者，非但為明，其德行高遠，人莫之及也。

子貢問政，子曰：「足食，足兵，民信之矣。」子貢曰：「必

不得已而去，於斯三者何先？」曰：「去兵。」曰：「必不得

已而去，於斯二者何先？」曰：「去食。」自古皆有死，民

無信不立。

死者，古今常道，人皆有之。治邦不可失信。

哀公問於有若

曰：「年飢，用不足，如之何？」對曰：「盍徹乎？」

盍，何不也。周法什一。

而稅，謂之徹也。

曰：「二吾猶不足，如之何其徹也？」

二，謂什二而稅。

對曰：「百姓足，君孰與不足？百姓不足，君孰與足？」

子張問崇德辨惑。

辨，別。

子曰：「主忠信，徙義，崇德也。」

徙，義見義則從，意從之。

愛之欲其生，惡之欲其死，既欲其

生，又欲其死，是惑也。

愛惡當有常，一欲生之，一欲死之，是心惑也。子

曰：「聽訟，吾猶人。」

與人等。

必也使無訟乎？」

化之在前。子曰：

「君子成人之美，不成人之惡。小人反是。」季康子

問政，孔子對曰：「政者，正也。子帥而正，孰敢

不正？」

康子，魯上卿。諸臣之帥。

季康子患盜，問孔子，孔子對

曰、苟子之不欲、雖賞之不竊、言民化於上、不從其令、從其所好、

季康子問於孔子曰、如殺無道、以就有道、何如、

就、成也、欲多殺、以止姦也、對曰、子為政、焉用殺、子欲善而民

善矣、君子之德風也、小人之德草也、草上之風、

必偃、亦欲康子先自正也、偃、仆也、加草以風、無不仆者、猶民之化於上也、樊遲曰、

敢問、宗德、修慝、辨惑、孔子弟子樊須也、慝、惡也、修、治也、治惡為善、子

曰、先事後得、非崇德與、先勞於事、然後得報、攻其惡、毋攻

人之惡、非修慝與、一朝之忿、忘其身、以及其親、

非惑與、樊遲問、智曰、知人、樊遲未達、子曰、舉直

措、諸枉、能使枉者直、舉正直之人、用之、廢邪枉之人、則皆化為直也、樊

遲退、見子夏曰、何謂也、子夏曰、舜有天下、選於

眾、舉皋陶、不仁者遠矣、湯有天下、選於眾、舉伊

尹、不仁者遠矣、言舜湯有天下、選擇於眾、舉皋陶伊尹、則不仁者遠、仁者至矣、

子路

子路問政、子曰、先之勞之、孔子弟子仲由也、先導之以德、使人信之、

然後勞之、易曰、悅以使民、民忘其勞、請益、曰、毋倦、子路嫌其少、故請益、曰、無倦者、

行此上事、無倦、則可矣、仲弓為季氏宰、問政、子曰、先有司、

孔子弟子冉雍也、言為政當先任有司、而後責其事也、赦小過、舉賢才、曰、

焉知賢才而舉之曰舉爾所知爾所不知人其

舍諸汝所不知者人將自舉之各舉其所知則賢才無遺矣子路曰衛君

待子而為政子將奚先問往將何所先行之也子曰必也

正名乎正百事之名也名不正則言不順言不順則事

不成事不成則禮樂不興禮樂不興則刑罰不

中禮以安上樂以移風二者不行則有淫刑濫罰矣刑罰不中則民無

所措手足故君子名之必可言言之必可行也

所名之事必可得而明言也子曰上好禮則民

莫敢不敬上好義則民莫敢不服上好信則民

莫敢不用情情情實也言民化上各以實應也夫如是則四方

之民襁負其子而至矣子曰其身正不令而行

其身不正雖令不從令教令也子適衛冉子僕冉有御也

子曰庶矣哉庶衆也言衛民多也冉有曰既庶矣又何加

焉曰富之曰既富矣又何加焉曰教之子曰善

人為邦百年亦可以勝殘去殺矣勝殘勝殘暴之人使不為

惡也去殺不用刑殺也誠哉是言也古有此言孔子信之子曰如有

王者必世而後仁三十年曰世如有受命王者必三十年仁政乃成子

曰苟正其身於從政乎何有不能正其身如正

人何定公問一言而可以興國有諸孔子對曰言不可以若是其幾也以其大要一言不能興國也幾近也有近一言

興國也人之言曰為君難為臣不易如知為君之

難也不幾乎一言而興邦乎事不可一言而成知如此則可近之

曰一言而喪邦有諸孔子對曰言不可以若是

其幾也人之言曰予無樂乎為君唯其言而莫

予違也言無樂於為君所樂者唯樂其言而不見違也如善而莫之違

也不亦善乎如不善而莫之違也不幾乎一言

而喪邦乎人君所言善無違之者則善也所言不善而無敢違之者則近一言而喪

國矣葉公問政葉公名諸梁子曰近者悅遠者來子夏

為莒父宰問政莒父魯下邑也子曰毋欲速毋見小利

欲速則不達見小利則大事不成事不可以速成而欲其速

則不達矣小利妨大則大事不成矣樊遲問仁子曰居處恭執事

敬與人忠雖之夷狄不可棄也雖之夷狄無禮義之處猶不可

棄去而不行之子曰南人有言曰人而無恒不可以作

巫醫南國之人也言巫醫不能治無常之人善夫善南人之言也子曰君

子和而不同小人同而不和君子心和然其所見各異故曰不同

小人所嗜好者同然各爭利故曰不和也子貢問曰鄉人皆好之何

如子曰未可也鄉人皆惡之何如子曰未可也

不如鄉人之善者好之其不善者惡之善人善已惡人

惡已善善明惡惡著也子曰君子易事而難悅也不責備於一人

故易事也悅之不以道不悅也及其使人也器之才度

而官之小人難事而易悅也悅之雖不以道悅也

及其使人也求備焉子曰君子泰而不驕小人

驕而不泰君子自縱泰似驕而不驕小人拘忌而實自驕矜也子曰以不

教民戰是謂弃之言用不習之民使之戰必破敗是為弃之

憲問

子曰有德者必有言有言者不必有德仁者必

有勇有勇者不必有仁子曰君子而不仁者有

矣夫未有小人而仁者也雖曰君子猶未能備也子問公叔

文子於公明賈曰信乎夫子不言不笑不取公叔

文子衛大夫對曰以告者過也夫子時然後言人不

厭其言也樂然後笑人不厭其笑義然後取人

不厭其取也子謂衛靈公之無道也季康子曰

夫如是奚而不喪孔子曰仲叔圉治賓客祝鮀

治宗廟王孫賈治軍旅夫如是奚其喪言雖無道所任

者各當其才，子路問事君，子曰：勿欺而犯之。君事何為當亡也。子曰：不逆詐，不億不信，抑亦先當犯，顏諫爭。

覺者是賢乎？有人來，不逆之，以為詐，不億疑之，以為有不信，然而人有詐，不信，有以先發知之，是人賢逆詐。子路問君子，子曰：修

己以敬。敬其身也。曰：如斯而已乎？曰：修己以安百姓，

修己以安百姓，堯舜其猶病諸。病，猶難也。

衛靈公

子曰：無為而治者，其舜也與？夫何為哉？恭己正

南面而已矣。言任官得其人，故無為也。子張問行，子曰：言忠

信，行篤敬，雖蠻貊之邦行矣。言不忠信，行不篤

敬，雖州里行乎哉？行乎哉，言不可行也。子張書諸紳。紳，大帶也。

子曰：志士仁人，無求生以害仁，有殺身以成仁，

則志士仁人不愛其身也。無求生而害仁，死而後成仁。顏淵問為邦，子曰：

行夏之時，據見萬物之生，以為四時之始，取其易知也。乘殷之輅，大輅

越席，昭其儉也。服周之冕，取其對續塞耳，不任視聽。樂則韶舞，韶，舜樂也。

放鄭聲，遠佞人。鄭聲，淫佞人，危，俱能惑人心，使淫亂危殆。

子曰：人而無遠慮，必有近憂。子曰：臧文

仲其竊位者與？知柳下惠之賢，而不與立也。文仲

魯大夫也、柳下惠、展禽也、知賢不舉為竊位也。子曰、躬自厚、而薄責於

人、則遠怨矣。責已厚、責人薄、所以遠怨咎也。子曰、君子求諸已、

小人求諸人。君子責已、小人責人。子曰、君子不以言舉人、

有言者、不必有德、故不可以言舉人也。不以人廢言、子貢問曰、有

一言而可終身行者乎、子曰、其恕乎、已所不欲、

勿施於人、子曰、巧言亂德、小不忍亂大謀。巧言利口、

則亂德義、小不忍則亂大謀。子曰、衆惡之、必察焉、衆好之、必

察焉。或衆阿黨比周、或其人特立不群、故好惡不可不察也。子曰、人能弘

道、非道弘人。材大者、道隨大、材小者、道隨小、故不能弘人也。子曰、過而

不改、是謂過矣、子曰、吾嘗終日不食、終夜不寢、

以思、無益、不如學也。

季氏

季氏將伐顛臾、冉有季路見於孔子、孔子曰、求、

無乃爾是過與、冉有曰、夫子欲之、吾二臣者皆

不欲也。歸咎於季氏。孔子曰、求、周任有言曰、陳力就

列、不能者止。周任、古之良史也、言當陳才力、度已所任、以就其位、不能則當止。

危而不持、顛而不扶、則將焉用彼相矣。言輔相能持危扶顛、若不

能何用相為也。且爾言過矣、虎兕出於柙、龜

玉毀於櫝中是誰之過與

櫝，櫝也。櫝，櫃也。失虎毀玉，非典守者過耶。

冉有曰：今夫顓臾固而近於費

固，城郭完堅，兵甲利也。費，季氏

邑，今不取，後世必為子孫憂。孔子曰：求，君子疾

夫

疾如汝言舍曰：欲之而必為之辭，舍其貪利之說而更作他辭是

所疾，丘也聞有國有家者，不患寡而患不均，

不患土地

人民之寡少，患政治之不均平。

不患貧而患不安

憂不能安民耳。民安國富

蓋均無貧，和無寡，安無傾

政教均平，則不患貧矣。上下和同，則不患

寡矣。大小安寧，不傾危矣。

夫如是，故遠人不服，則修文德以

來之，既來之，則安之。今由與求也，相夫子，遠人

不服而不能來也，邦分崩離析而不能守也，而

謀動干戈於邦內，吾恐季孫之憂不在顓臾，而

在蕭牆之內也

蕭之言肅也。牆，謂屏也。君臣相見之禮，至屏而加肅敬焉。是以

謂之蕭牆。後季氏家臣陽虎果囚季桓子也。

孔子曰：益者三友，損者

三友，友直，友諒，友多聞，益矣；友便辟，

便辟，巧避人所忌，以

求容媚者。

友善柔

面柔者也。

友便佞，損矣

佞，辯也。謂

孔子

曰：益者三樂，損者三樂，樂節禮樂

動則得禮，樂之節。

道人之善，樂多賢友，益矣；樂驕樂

恃尊貴，以自恣。

遊

佚遊，出入不節。樂宴樂，損矣

宴樂，沉荒淫黷也。

孔子

曰待於君子有三愆言未及之而言謂之躁不躁

安言及之而不言謂之隱隱匿不盡情實未見顏色而

言謂之瞽未見君子顏色所趨向而便逆先意語者猶瞽者也孔子曰君

子有三戒少之時血氣未定戒之在色及其壯

也血氣方剛戒之在鬪及其老也血氣既衰戒

之在得得得也孔子曰君子有三畏畏天命順吉逆凶

天之命畏大人大人即聖人與天地合德也畏聖人之言小人

不知天命而不畏狎大人侮聖人之言孔子曰

生而知之者上也學而知之者次也困而學之

又其次也困謂有所不通也困而不學民斯為下矣孔

子曰君子有九思視思明聽思聰色思溫貌思

恭言思忠事思敬疑思問忿思難見得思義孔

子曰見善如不及見不善如探湯齊景公有馬

千駟死之日民無得而稱焉千駟四千疋也伯夷叔齊

餓于首陽之下首陽山名民到于今稱之其斯之謂

與此所謂以德為稱

陽貨

子曰性相近也習相遠也君子慎所習子張問仁於

孔子孔子曰能行五者於天下為仁矣請問之

曰恭寬信敏惠恭則不侮不見侮也寬則得眾信則

人任焉敏則有功應事疾則多成功惠則足以使人子

曰由汝聞六言六蔽乎對曰未居吾語汝好仁

不好學其蔽也愚仁者愛物不知所以裁之則愚也好智不好

學其蔽也蕩蕩無所適守好信不好學其蔽也賊父子

不知相為好直不好學其蔽也絞好勇不好學

其蔽也亂好剛不好學其蔽也狂狂妄抵觸人也子曰

禮云禮云玉帛云乎哉言禮非但崇此玉帛而已所貴者乃貴其安上

治民樂云樂云鐘鼓云乎哉樂之所貴者移風易俗也非但謂鐘鼓而

已子曰鄙夫可與事君也哉言不可與事君其未得之

也患得之患得之者患不能得之既得之患失之苟患失

之無所不至矣無所不至者言邪媚無所不為子曰惡紫之奪

朱也惡其邪好而奪正色惡鄭聲之亂雅樂也惡其邪音而亂雅樂

惡利口之覆邦家也利口之人多言少實苟能悅媚時君傾覆國家也

子貢曰君子亦有惡乎子曰有惡惡稱人惡者

好稱說人惡所以為惡也惡居下流而訕上者訕諆毀也惡勇而

無禮者惡果敢而窒者窒塞曰賜也亦有惡乎惡

微以為智者

微抄也抄人之意以為已有

惡不遜以為勇者

惡訐以為直者

訐謂攻發人之陰私

微子

柳下惠為士師

士師典獄之官也

三黜人曰子未可以

去乎曰直道而事人焉往而不三黜

苟直道以事人所至

之國俱當復三黜

枉道而事人何必去父母之邦周公

謂魯公

魯公周公之子伯禽也

曰君子不施其親

施易也不以他

人之親易已之親

不使大臣怨乎不以

以用也怨不見聽用也

故

舊無大故則不弃也無求備於一人

大故謂惡逆之事也

子張

子夏曰小人之過也必文

文飾其過不言情實也

子夏曰

君子信而後勞其民未信則以為厲已也

厲病

而後諫未信則以為謗已也孟氏使陽膚為士

師

陽膚曾子弟子也問於曾子曾子曰上失其

道民散久矣如得其情則哀矜而勿喜

民之離散為輕

漂犯法乃上之所為非民之過也

當哀矜之勿自喜能得其情也

子貢曰紂之不善也不如是之甚也是以君子惡居下流天

下之惡皆歸焉

紂為不善以喪天下後世憎之甚皆以天下之惡歸之於紂也

子貢曰君子之過也如日月之食焉過也人皆見之更也人皆仰之更改也

堯曰

朕躬有罪無以萬方萬方有罪罪在朕躬無以萬方

萬方不與也萬方有罪我身之過雖有周親不如仁人親而不賢不忠

則誅之管蔡是也仁人箕子微子來則用之百姓有過在予一人謹

權量審法度修廢官四方之政行焉權秤也量斗斛也興

滅國繼絕世舉逸民天下之民歸心焉所重民

食喪祭重民國之本也重食民之命也重喪所以盡哀也重祭所以致敬也寬則

五帝一

得衆敏則有功公則悅言政公平則民悅矣凡此五帝三王所以治故

傳以示後世也子張問政於孔子曰何如斯可以從政

矣子曰尊五美屏四惡斯可以從政矣屏除也子

張曰何謂五美子曰君子惠而不費勞而不怨

欲而不貪泰而不驕威而不猛子張曰何謂惠

而不費子曰因人所利而利之不亦惠而不費

乎利民在政無費於財擇可勞而勞之又誰怨欲仁而得

仁又焉貪君子無衆寡無小大無敢慢言君子不以寡

小而慢之斯不亦泰而不驕乎君子正其衣冠尊其

不亦上
脫斯字

瞻視儼然人望而畏之斯不亦威而不猛乎子

張曰何謂四惡子曰不教而殺謂之虐不戒視

成謂之暴不宿戒而責目前成爲視成也慢令致期謂之賊與民

無信而猶之與人也出納之吝謂之有司謂財物俱

當與人而吝嗇於出內惜難之此有司之任耳非人君之道

羣書治要卷第九

羣書治要卷第十

秘書監鉅鹿男臣魏徵等奉 勅撰

孔子家語

始誅

孔子爲魯大司寇朝政七日而誅亂法大夫少

正卯戮之于兩觀之下兩觀闕也屍於朝三日子貢

進曰夫少正卯魯之聞人也今夫子爲政而始

誅之或者爲失之乎孔子曰天下有大惡者五

而盜竊不與焉一曰心逆而嶮二曰行僻而堅

衰舊作
褒改之

三曰言偽而辨、四曰記醜而博、醜謂非義五曰順非而澤、此五者有一於人、則不免於君子之誅、而少正卯皆兼有之、其居處足以撮徒成黨、撮聚也其談說足以飾衰熒衆、其強禦足以反是獨立、此乃人之姦雄也、不可以不除。

孔子為魯大司寇、有父子訟者、夫子同狴執之、狴獄牢也三月不別、其父請止、夫子赦焉、季孫聞之、

不悅、曰、司寇欺余、曩告余曰、為國家者、必先以孝、今戮一不孝、以教民孝、不亦可乎、而又赦之、

則廢至
憚之七
字作即
廢之又
不可而
後以威

何哉、孔子喟然歎曰、嗚呼、上失其道、而殺其下、非理也、不教以孝、而聽其獄、是殺不辜也、三軍大敗、不可斬也、獄豻不治、不可刑也、何者、上教之不行、罪不在民故也、夫慢令謹誅、賊也、徵斂無時、暴也、不誠責成、虐也、政無此三者、然後刑可即也、既陳道德、以先服之、而猶不可、則尚賢以勸之、又不可、則廢不能以憚之、若是、百姓正矣、其有邪民不從化者、然後待之以刑、則民咸知罪矣、是以威厲而不誡、刑措而不用也、今世

憚之十
三字
誠作試

不然亂其教煩其刑使民迷惑而陷罪焉又從而制之故刑彌繁而盜不勝也世俗之陵遲久矣雖有刑法民能勿踰乎

王言

舊無其道之其

孔子閑居謂曾子曰參汝可語明王之道與居吾語汝夫道者所以明德也德者所以尊道也是故非德道不尊也非道德不明也雖有國之良馬不教服乘不可以取道里雖有博地衆民不以其道治之不可以致霸王是故昔者明王

補之

內修七教外行三至七教修而可以守三至行而可以征明王之道其守也則必折衝千里之外其征也還師衽席之上故曰內修七教而上不勞外行三至而財不費此之謂明王之道也曾子曰不勞不費之爲明王可得而聞乎孔子曰昔者帝舜左禹右皋陶不下席而天下治夫如此何上之勞乎若乃十一而稅用民之力歲不過三日入山澤以其時而無征此則生財之路也而明王節之何財之費乎曾子曰敢問何

謂七教孔子曰上敬老則下益孝上尊齒則下益悌上樂施則下益寬上親賢則下擇友上好德則下無隱上惡貪則下耻爭上廉讓則下知節此之謂七教也七教者治民之本也政教定則本正矣凡上者民之表也表正則何物不正曾子曰道則至矣弟子不足以明之孔子曰參汝以爲姑止此乎昔者明王之治民也有法必裂地而封之分屬而理之然後賢民無所隱暴民無所伏使有司日省而時考之進用賢良退

不肯下
舊有然
字賢下
舊有良
字刪之

賤不肖則賢者悅而不肖者懼哀鰥寡養孤獨恤貧窮誘孝悌選才能此七者修則四海之內無刑民矣上之親下也如手足之於腹心下之親上也如幼子之於慈母矣上下相親如此故令則從施則行民懷其德近者悅服遠者來附政之致也田獵罩弋罩掩網也弋繳射也非以盈宮室也徵歛百姓非以充府庫也慘怛以補不足禮節以損有餘多信而寡貌其禮可守其言可覆其迹可履其於信也如四時其博有萬民也如饑

而食如渴而飲民之信之如寒暑之必驗也故
視遠若邇非道邇也見明德也是故兵革不動
而威用利不施而親此之謂明王之守折衝乎
千里之外者也曾子曰敢問何謂三至孔子曰
至禮不讓而天下治至賞不費而天下之士悅
至樂無聲而天下之民和明王篤行三至故天
下之君可得而知也天下之士可得而臣也天
下之民可得而用也曾子曰敢問此義何謂也
孔子曰古者明王必盡知天下良士之名既知

其名又知其實既知其實然後因天下之爵以
尊之此之謂至禮不讓而天下治因天下之祿
以富天下之士此之謂至賞不費而天下之士
悅如此則天下之明譽興焉此之謂至樂無聲
而天下之民和故曰所謂天下之至仁者能合
天下之至親者也所謂天下之至智者能用天
下之至和所謂天下之至明者能舉天下之至
賢此三者咸通然後可以征是故仁者莫大於
愛人智者莫大於知賢政者莫大於官能有土

之君能修此三者則四海之內供命而已矣夫
明王之所征必道之所廢者是故誅其君而
改其政弔其民而不奪其財故曰明王之征也
猶時雨之降也至則民悅矣是故行施彌博得
親彌衆此之謂還師社席之上言安而無憂也

大婚

孔子侍坐於哀公公問曰敢問人道誰為大孔
子對曰夫人道政為大夫政者正也君為正則
百姓從而正矣君之所為百姓之所從也君之

不為百姓何從公曰敢問為政如之何孔子對

曰夫婦別父子親君臣信三者正則庶物從之

矣內以治宗廟之禮足以配天地之神也出以

治直言之禮足以立上下之敬也夫婦正則出

禮矣身正乃物耻則足以振之耻事不如禮則

可以正人矣國耻則足以興之耻國不如禮則故為政先乎

禮禮其政之本與孔子遂言曰昔三代明王之

必敬妻子也蓋有道焉妻也者親之主也子也

者親之後也敢不敬與是故君子無不敬也敬

也者敬身為大身也者親之支也敢不敬與不

敬其身是傷其親傷其親是傷其本也傷其本

則支從而亡三者百姓之象也言百姓之所法而行身以

及身子以及子妃以及妃君修此三者則大化

愾于天下愾滿也公曰敢問何謂敬身孔子對曰

君子過言則民作辭過動則民作則言不過辭

動不過則百姓恭敬以從命若是則可謂能敬

其身能敬其身則能成其親矣公曰何謂成親

孔子對曰君子者乃人之成名也百姓與名謂

之君子則是成其親為君而為其子也孔子遂

言曰為政而不能愛人則不能成其身不能成

其身則不能安其土不能安其土則不能樂天

不能樂天道也不能樂天則不能成身公曰敢問何謂

成身孔子對曰夫其行已不過于物謂之成身

不過于物合天道也

問禮

哀公問於孔子曰大禮何如子之言禮何其尊

也孔子曰丘聞之民之所以生者禮為大非禮

則無以節事天地之神焉、非禮則無以辨君臣
 上下長幼之位焉、非禮則無以別男女父子兄
 弟婚姻親族疎數之交焉、是故君子此為之尊
 敬、然後以其所能教示百姓、卑其宮室、節其服
 御、車不雕璣、器不雕鏤、食不二味、心不淫志、以
 與萬民同利、古之明王之行禮也如此、公曰、今
 之君子、胡莫之行也、孔子對曰、今之君子、好利
 無厭、淫行不倦、荒怠慢遊、固民是盡、以遂其心、
 以怨其政、以伐有道、求得當欲、不以其所

政下有以特其

言苟求得

般四字

當其情欲而已

虐殺刑誅、不以其理、夫昔之用民也由
 前、用上所言今之用民也由後、用下所言是即今之君子

莫能為禮也

五儀

哀公問於孔子曰、寡人欲論魯國之士、與之為
 治、敢問如何取之、孔子曰、人有五儀、有庸人、有
 士人、有君子、有賢、有聖、審此五者、則治道畢矣、
 所謂庸人者、心不存慎終之規、口不吐訓格之
 言、格法也不擇賢以託其身、不力行以自定、見小

舊脫所
謂字補
之

闇大而不知所務、從物如流、而不知所執、此則庸人也。所謂士人者、心有所定、計有所守、雖不能盡道術之本、必有率也。率猶述也雖不能備百善之美、必有處也。是故智不務多、務審其所知、言不務多、務審其所謂。所謂者、謂言之要也行不務多、務審其所由、智既知之、言既得之。得其要也行既由之、則若性命形骸之不可易也、富貴不足以益貧賤、不足以損此、則士人也。所謂君子者、言必忠信、而心不怨。忍怨害也仁義在身、而色不伐。無伐善之色也思

慮通明、而辭不專、篤行信道、自強不息、油然若將可越、而終不可及者、此君子也。油然、不進之貌、越、過所

謂賢者、德不踰閑。閑猶法也行中規繩、言足法於天

下、而不傷於身。言滿天下、無口過也道足化於百姓、而不

傷於本。本亦謂身也富則天下無宛財。宛積也施則天下

不病貧、此賢者也。所謂聖者、德合天地、變通無

方、窮萬事之終始、協庶品之自然、敷其大道、而

遂成情性、明並日月、化行若神、下民不知其德、

覩者不識其隣、此聖者也。隣、以喻畔界也公曰、善哉、非

子之賢則寡人不得聞此言也雖然寡人生於深宮之中長於婦人之手未嘗知哀未嘗知憂未嘗知勞未嘗知懼未嘗知危恐不足以行五儀之教若何孔子曰君入廟而右登自阼階仰視榱桷俯察机筵其器皆存而不覩其人君以此思哀則哀可知矣昧爽夙興正其衣冠爽明也昧亡之端君以此思憂則憂可知矣日出聽政至乎中昃中日中也昃日昃也諸侯子孫往來為賓行禮揖

讓慎其威儀君以此思勞則勞可知矣緬然長思出乎四門周章遠望覩亡國之墟必將有數焉言亡國故墟非但一也君以此思懼則懼可知矣夫君者舟也民者水也水所以載舟亦所以覆舟君以此思危則危可知矣既明此五者而又少留意於五儀之事則於政治乎何有失哉

哀公問於孔子曰請問取人之法孔子對曰事任之官言各當以其所能之事任之於官也無取捷捷無取鉗鉗鉗安對不謹誠無取啍啍啍啍多言也捷捷貪也捷捷而不良所以為

貪鉗鉗亂也。啍啍誕也。誕欺詐也故弓調而後求勁

焉。馬服而後求良焉。士必慤而後求智能焉。不

慤而多能，譬之豺狼，不可邇也。邇，近也。言人無

信，不能為大惡也。不慤信而有智能者，然後乃可畏也。

哀公問於孔子曰：夫國家之存亡禍福，信有天

命，非唯人耶？孔子對曰：存亡禍福，皆在已而已。

天災地妖，弗能加也。昔者殷王帝辛之世，帝辛紂也

有雀生大鳥於城隅焉。帝辛介雀之德，介，助也。以雀之

德為助也不修國政，殷國以亡。此即已逆天時，得

殷下有王字

福，反為禍者也。又其先世殷大戊之時，道缺法

邪，以致天孽。桑穀生朝，七日大拱。太戊恐駭，側

身修行，三年之後，遠方慕義，重譯至者十有六

國。此即已逆天時，得禍轉為福者也。故天災

地妖，所以儆人主也。寤夢徵怪，所以儆人臣也。

儆，戒也。災妖不勝善政，夢怪不勝善行。能知此，至

治之極也。明王達此也。

致思

季羔為衛士師，士師，獄官。別人之足，俄而衛有亂。季

羔逃之，剛者守門焉。謂季羔曰：彼有缺，季羔曰：君子不踰。又曰：彼有竇，季羔曰：君子不隧。隧從竇出又曰：於此有室，季羔入焉。既而追者罷，季羔將去，謂剛者曰：吾不能虧主之法，而親剛子之足。今吾在難，此正子報怨之時，而子逃我，何故？剛者曰：斷足，故我之罪也，無可奈何。曩者君治臣以法令，先人後臣，欲臣之免也，臣知之。獄決罪定，臨當論刑，君愀然不樂，見於顏色，臣又知之。君豈私臣哉？天生君子，其道故然，此臣之所以

悅作脫

悅君也。孔子聞之曰：善哉！為吏其用法一也。思仁恕則樹德，加嚴暴則樹怨。公以行，其子羔乎？子路為蒲宰，為水備，修溝瀆，以民之煩苦也。人與一簞食，一壺漿，孔子止之。子路曰：由也，以民多匱餓者。匱乏也是以與之簞食壺漿，而夫子使止之，是夫子止由之行仁也。孔子曰：爾以民為餓，何不白於君，發倉廩以給之，而私以爾食饋之，是汝明君之無惠也。速已則可，不已則爾之見罪必矣。

子貢問治民於孔子，孔子曰：懔懔焉，如以腐索御扞馬。懔懔焉，誠懼之貌。扞馬，突馬也。子貢曰：何其畏也？孔子曰：夫通達之屬，皆人也。以道導之，則吾畜也；不以道導之，則吾讎也。若之何其無畏也。

三恕

孔子曰：君子有三恕。有君弗能事，有臣而求其使，非恕也。有親弗能孝，有子而求其報，非恕也。有兄弗能敬，有弟而求其順，非恕也。士能明於三恕之本，則可謂端身矣。端，正也。

孔子觀於魯桓公之廟，有欹器焉。孔子問於守廟者曰：此為何器？對曰：此蓋為宥坐之器。孔子曰：吾聞宥坐之器，虛則欹，中則正，滿則覆。明君以為誠，故置於坐側也。顧謂弟子曰：試注水焉。水實之，中則正，滿則覆。夫子喟然歎曰：嗚呼！夫物惡有滿而不覆者哉？子路進曰：敢問持滿有道乎？子曰：聰明叡智，守之以愚；功被天下，守之以讓；勇力振世，守之以怯；富有四海，守之以謙。此所謂損之又損之之道也。

好生

哀公問於孔子曰、昔者舜冠何冠乎、孔子不對、
 公曰、寡人問於子、而子無言、何也、孔子曰、以君
 之問不先其大者、故方思所以為對焉、公曰、其
 大何乎、孔子曰、舜之為君也、其政好生而惡殺、
 其任授賢而替不肖、德若天地之虛靜、化若四
 時之變物、是以四海承風、暢於異類、異類、四方
之夷狄也
 鳳翔麟至、鳥獸馴德、馴、順也無他、好生故也、君舍
 此道、而冠冕是問、是以緩對、

觀周

孔子觀於明堂、觀四方之墉、墉、墻也有堯舜桀紂之
 象、而各有善惡之狀、興廢之誠焉、又有周公相
 成王、抱之而負斧扆、南面以朝諸侯之圖焉、孔
 子徘徊而望之、謂從者曰、此則周之所以盛也、
 夫明鏡者、所以察形、往古者、所以知今、人主不
 務襲跡於其所以安存、而忽怠於所以危亡、是
 猶未有以異於却步而欲求及前人也、豈非惑
 哉、

怠於下
有其字

孔子觀周遂入大祖后稷之廟廟堂右階之前

有金人焉參緘其口而銘其背曰古之慎言人

也戒之哉無多言多言多敗無多事多事多患

安樂必誠雖處安樂必警誠也無行所悔所悔之事不可復行勿謂

何傷其禍將長勿謂何害其禍將大勿謂不聞

神將伺人焯焯不滅炎炎若何涓涓不壅終為

江河緜緜不絕或成網羅緜緜微而不絕則有成網羅者豪末

不扎如豪之末言微也扎拔也將尋斧柯尋用誠能慎之福之

根也口是何傷禍之門也強梁者不得其死好

勝者必遇其敵盜憎主人民惡其上君子知天

下之不可上也故下之知衆人之不可先也故

後之温恭慎德使人慕之執雌持下人莫踰之

人皆趣彼我獨守此人皆惑惑我獨不徙惑惑東西

轉移之貌內藏我智不示人技我雖尊高人弗我害

唯能於此天道無親常與善人戒之哉戒之哉

孔子既讀斯文顧謂弟子曰小子志之此言實

而中情而信

賢君

哀公問於孔子曰、當今之君孰爲最賢、孔子對曰、丘未之見也、抑有衛靈公乎、公曰、吾聞其闈門之內無別、而子次之賢、何也、孔子對曰、臣語其朝廷行事、不論其私家之際也、公曰、其事如何、孔子曰、靈公之弟曰公子渠牟、其智足以治千乘、其信足以守之、靈公愛而任之、又有士曰王林、國者見賢必進之、而退與分其祿、是以衛國無遊放之士、靈公知而尊之、又有士曰慶足者、國有大事則必起而治之、國無事則退而容

賢

言其所以退、欲以容賢於朝

靈公悅而敬之、又有大夫史

緇以道去衛、而靈公郊舍三日、琴瑟不御、必待史緇之入而後敢入、臣以此取之、雖次之賢、不亦可乎、

子貢問孔子曰、今之人臣孰爲賢乎、子曰、齊有鮑叔、鄭有子皮、則賢者矣、子貢曰、齊無管仲、鄭無子產乎、子曰、賜、汝徒知其一、未知其二也、汝聞用力爲賢乎、進賢爲賢乎、子貢曰、進賢賢哉、子曰、然、吾聞鮑叔達管仲、子皮達子產、未聞二

子之達賢已之才者也

哀公問於孔子曰寡人聞忘之甚者徙而忘其妻有諸孔子對曰此猶未甚者甚者乃忘其身公曰可得聞乎孔子曰昔夏桀貴爲天子富有四海忘其聖祖之道壞其典法絕其世祀荒乎淫樂沈湎于酒佞臣諂諛窺導其心忠士鉗口逃罪不言杜鉗口天下誅桀而有其國此之謂忘其身之甚者也

子路問於孔子曰賢君治國所先者何在孔子曰在於尊賢而賤不肖子路曰由聞晉中行氏尊賢而賤不肖矣其亡何也子曰中行氏尊賢而弗能用賤不肖而不能去賢者知其不己用而怨之不肖者知其必已賤而讎之怨讎並存於國隣敵構兵於郊中行氏雖欲無亡豈可得乎

哀公問政於孔子孔子對曰政之急者莫大乎使民富且壽也公曰爲之奈何孔子曰省力役薄賦歛則民富矣敦禮教遠罪疾則民壽矣公

疾作矣

曰寡人欲行夫子之言恐吾國貧矣孔子曰詩不云乎愷悌君子民之父母未有其子富而父母貧者也

衛靈公問孔子曰有語寡人爲國家者計之於廟堂之上則政治矣何如孔子曰其可也愛人者則人愛之惡人者則人惡之知得之己者則知得之人所謂不出環堵之室而知天下者知反己之謂也

辨政

子貢爲信陽宰將行孔子曰勤之慎之奉天之時無奪無伐無暴無盜子貢曰賜也少而事君子豈以盜爲累哉孔子曰而未之詳也夫以賢代賢是之謂奪以不肖代賢是之謂伐緩令急誅是之謂暴取善自與是之謂盜盜非竊財之謂也吾聞之知爲吏者奉法以利民不知爲吏者枉法以侵民此怨所由生也匿人之善斯謂蔽賢揚人之惡斯謂小人內不相訓而外相謗非親睦也言人之善若己有之言人之惡若己

受之故君子無所不慎焉

六本

孔子曰行已有六本焉然後為君子立身有義矣而孝為本喪紀有禮矣而哀為本戰陣有列矣而勇為本治政有理矣而農為本居國有道矣而嗣為本繼嗣不立則亂之源也生財有時矣而力為本置本不固無務豐末親戚不悅無務外交事不終始無務多業反本修迹君子之道也

藥酒作良藥

孔子曰藥酒苦於口而利於病忠言逆於耳而

其無作無其

利於行湯武以諤諤而昌桀紂以唯唯而亡君無爭臣父無爭子兄無爭弟士無爭友其無過者未之有也故曰君失之臣得之父失之子得之兄失之弟得之士失之友得之是以國無危亡之兆家無悖亂之惡父子兄弟無失而交友無絕

孔子讀易至於損益喟然而歎子夏避席問曰夫子何歎焉孔子曰夫自損者必有益之自益者必有決之吾是以歎也子夏曰然則學者不

可以益乎子曰非道益之謂也道彌益而身彌損夫學者損其自多以虛受之天道成而必變凡持滿而能久者未嘗有也故曰自賢者則天下之善言不得聞其耳矣

孔子曰以富貴而下人何人不與以富貴而愛人何人不親發言不逆可謂知言矣

孔子曰吾死之後則商也日益賜也日損曾子問曰何謂也子曰商也好與賢已者處賜也好悅不如已者不知其子視其父不知其人視其友不知其君視其所使故曰與善人居如入芝蘭之室久而不聞其香卽與之化矣與不善人居如入鮑魚之肆久而不聞其臭亦與之化矣是以君子必慎其所與者焉

哀公問政

哀公問政於孔子孔子對曰文武之政布在方策其人存則其政舉其人亡則其政息故爲政在於得人取人以身修身以道修道以仁仁者人也親親爲大義者宜也尊賢爲大親親之殺

尊賢之等、禮所生也、是以君子不可以不修身、思修身、不可以不事親、思事親、不可以不知人、思知人、不可以不知天、天下之達道有五、其所以行之者三、曰、君臣也、父子也、夫婦也、昆弟也、朋友之交也、五者、天下之達道也、智仁勇三者、天下之達德也、所以行之者一也、或生而知之、或學而知之、或困而知之、及其知之、一也、或安而行之、或利而行之、或勉強而行之、及其成功、一也、好學近於智、力行近於仁、知耻近於勇、知

斯三者、則知所以修身、知所以修身、則知所以治人、知所以治人、則能成天下國家矣、公曰、政其盡此而已乎、孔子曰、凡爲天下國家者、有九經焉、曰、修身也、尊賢也、親親也、敬大臣也、體羣臣也、子庶人也、來百工也、柔遠人也、懷諸侯也、修身則道立、尊賢則不惑、親親則諸父昆弟不怨、敬大臣則不眩、體羣臣則士之報禮重、子庶民則百姓勸、來百工則財用足、柔遠人則四方歸之、懷諸侯則天下畏之、公曰、爲之奈何、孔子

曰齊莊盛服非禮不動所以修身也去讒遠色

賤貨而貴德所以尊賢也爵其能重其祿同其

好惡所以篤親親也官盛任使所以敬大臣也

盛其官任而使之也忠信重祿所以勸士也忠信者與之重祿也時

使薄歛所以子百姓也日省月考既稟稱事所

以來百工也既稟食之各當其職事也送往迎來嘉善而矜

不能所以綏遠人也綏安也繼絕世舉廢邦朝聘

以時厚往而薄來所以懷諸侯也治天下國家

有九經焉其所以行之者一也凡事豫則立不

豫則廢言前定則不跲躓事前定則不困行前

定則不疚疚病道前定則不窮公曰子之教寡人

備矣敢問行之所始孔子曰立愛自親始教民

睦也立敬自長始教民順也教以慈睦而民貴

有親教以敬長而民費用命民既孝於親又順

以聽命措諸天下無所不行

顏回

魯定公問於顏回曰子亦聞東冶畢之善御乎

對曰善則善矣雖然其馬將必逸公不悅其後

三日東冶畢之馬逸公聞之促駕召顏回顏回至公曰前日寡人問吾子以東冶畢之善御而子曰其馬將逸不識吾子奚以知之顏回對曰以政知之而已矣昔者帝舜巧於使民而造父巧於使馬舜不窮其民力造父不窮其馬力是以舜無逸民造父無逸馬今東冶畢之御也歷嶮致遠馬力盡矣然而其心猶求馬不已臣以此知之公曰善哉吾子之言其義大矣願少進乎顏回曰臣聞之鳥窮則囓獸窮則攫人窮則詐馬窮則逸自古及今未有窮其下而能無危者也公悅

困誓

衛蘧伯玉賢而靈公不用彌子瑕不肖而友任之史魚驟諫公不從史魚病將卒命其子曰吾在公朝不能進蘧伯玉退彌子瑕是吾為臣不能正君也生而不能正君死不可以成禮矣吾死汝置屍牖下於我畢矣

畢猶足也禮殯於客位

其子從

之靈公弔焉怪而問之其子以其父言告公公

愕然失容曰是寡人之過也於是命之殯於客位進蘧伯玉而用之退彌子瑕而遠之孔子聞之曰古之烈諫者死則已矣未有若史魚死而屍諫忠感其君者也可不謂直乎

執轡

閔子騫為費宰問政於孔子孔子曰以德以法夫德法者御民之具猶御馬之有銜勒也君者人也吏者轡也刑者策也人君之政執其轡策而已矣子騫曰敢問古之為政孔子曰古者天

子以內史為左右手以德法為銜勒以百官為轡以刑罰為策以萬民為馬故御天下數百年而不失善御馬者正銜勒齊轡策均馬力和馬心故口無聲而馬應轡策不舉而極千里極至也善御民者一其德法正其百官均齊民力和安民心故令不再而民順從刑不用而天下化治是以天地德之天地以為有德而兆民懷之懷歸不能御民者弃其德法專用刑辟譬猶御馬弃其銜勒而專用箠策其不可制也必矣夫無銜勒而用

策策馬必傷車必敗無德法而用刑辟民必流
 國必亡凡治國而無德法則民無所法修民無
 所法修則迷惑失道古之御天下者以六官總
 治焉六官在手以為轡故曰御四馬者執六轡
 御天下者正六官是故善御馬者正身以總轡
 均馬力齊馬心迴旋曲折唯其所之故可以取
 長道可以趣急疾此聖人所以御天地與人事
 之法則也天子以內史為左右手以六官為轡
 已與三公執六官均五教齊五法仁義禮智
信之法也故

舊無法
字補之
已下舊
有而字

刪之

亦唯其所引無不如志

五刑

冉有問於孔子曰先王制法使刑不上於大夫
 禮不下於庶人然則大夫之犯罪不可以加刑
 庶人之行事不可以治禮乎孔子曰不然凡治
 君子以禮義御其心所以厲之以廉耻之節也
 故古之大夫其有坐不廉污穢而退放之者則
 曰簠簋不飾飾齊飾整有坐淫亂男女無別者則曰
 帷薄不修有坐罔上不忠者則曰臣節未著有

務作稱

坐疲軟不勝任者則曰下官不職言其下官不務其職不斥

其身有坐于國之紀者則曰行事不請言不請而擅行

也此五者大夫既自定有罪名矣而猶不忍斥

然正以呼之也既而為之諱所以愧耻之是故

大夫之罪其在五刑之域者譴發則白冠鵲纓

盤水加劔造于闕而自請罪君不使有司執縛

牽掣而加之也其有大罪者聞命則北面再拜

跪而自裁君不使人捽引而刑殺之也曰子大

夫自取之耳吾遇子有禮矣是以刑不上大夫

而大夫亦不失其罪者教使然也凡所謂禮不

下庶人者以庶人遽其事而不能充禮故不責

之以備禮也

刑政

仲弓問於孔子曰雍聞至刑無所用政至政無

所用刑至刑無所用政桀紂之世是也至政無

所用刑成康之世是也信乎孔子曰聖人之治

化也必刑政相參焉太上以德教民而以禮齊

之其次以政導民以刑禁之化之弗變導之弗

從傷義敗俗於是乎用刑矣仲弓曰古之聽訟
 可得聞乎孔子曰凡聽五刑之訟必原父子之
 親立君臣之義以權之意論輕重之序慎測淺
 深之量以別之悉其聰明致其忠愛以盡之大
 司寇正刑明辟以察獄獄必三訊焉臣二曰訊群
 群吏三曰訊萬民也有指無簡則不聽簡誠也
 其誠者不論以為
 罪附從輕赦從重
 赦附人之罪以輕為比
 疑獄則
 汎與眾共之眾疑赦之故爵人必於朝與眾共
 之也刑人必於市與眾弃之也古者公家不畜

刑人大夫不養也士遇之塗弗與之言也屏諸
 四方唯其所之弗及以政弗欲生之故也仲弓
 曰聽獄獄之成成何官孔子曰獄成於吏吏以
 獄之成告於正吏獄官吏也
 正獄官長正既聽之乃告於
 大司寇大司寇聽之乃奏於王王命三公卿士
 參聽棘木之下外朝之法左九棘孤卿大夫位
 焉右九棘公侯伯子男位焉面
 三槐三公位焉然後乃以獄之成報于王王以三宥之
 法聽之君王尚寬罪雖已定猶三宥
 之不可得輕然後刑之也而後制刑
 焉所以重之也仲弓曰古之禁何禁孔子曰析

言破律

巧賣法令者也

亂名改作

變易官與物名

執左道以亂

政者殺

左道邪道

作淫聲

淫逸惑亂之聲

造異服

非人所設常見

奇伎奇器以盪上心者殺

怪異之伎可以眩曜人心之器盪動也

行偽而堅

行詐偽而堅守

言偽而辨學非而博順非而

澤

順其非而滑澤之

以惑眾者殺假於鬼神時日卜筮

以疑民者殺此四誅者不待時不以聽

不聽於棘木之

也下

問玉

子張問聖人之所以教孔子曰師乎吾語汝聖

人明於禮樂舉而措之而已子張又問孔子曰

師爾以為必布几筵揖讓升降酌獻酬酢然後

謂之禮乎爾以為必行綴兆執羽籥作鐘鼓然

後謂之樂乎言而可履禮也行而可樂樂也聖

人力此二者以恭已南面是故天下太平萬國

順服百官承事上下有禮也夫禮之所興眾之

所以治也禮之所廢眾之所以亂也昔者明王

聖主之辨貴賤長幼正男女外內序親疏遠邇

而莫敢相踰越者皆由此塗出也

屈節

宓子賤爲單父宰，恐魯君聽讒人，使已不得行其政，於是辭行也。故請君之近史二人，與之俱至官。宓子戒其邑吏，令二史書，方書掣其肘，書不善，則從而怒之。二史患焉，辭請歸魯。君以問孔子。孔子曰：「宓不齊，君子也。意者其以此諫乎？」公寤，大息而嘆曰：「此寡人之不肖也。寡人亂宓子之政，而責其善者數矣。微二史，則寡人無以知過。微夫子，則寡人無由寤。」遽使告宓子曰：「自

今日以往，單父非吾有也。從子之制，有便於民者，子決爲之。五年一言其要。」宓子遂得行政於單父焉。躬敦厚，明親親，尚篤敬，施至仁，加懇誠，致忠信，百姓化之。

正論

定公問於孔子曰：「大夫皆勸寡人，使隆敬於高年，可乎？」孔子對曰：「君之及此言也，將天下實賴之。豈惟魯而已哉？」公曰：「何也？」孔子曰：「昔者有虞氏貴德而上齒，夏后氏貴爵而上齒，殷人貴富

定作哀

而上齒

富謂世家

周人貴親而上齒虞夏殷周天

下之盛王也未有遺年者焉年之貴于天下久

矣次于事親是故朝廷同爵則上齒七十杖於

朝君問則席

君欲問之則為之設席

八十不仕朝君問則

就之而悌達於朝廷矣其行也肩而不並

不敢與長

者並肩也

不錯則隨

錯鴈行也父黨隨行兄黨鴈行

見老者則車從

避

見老者在道車與步皆避之也

斑白者不以其任行於路

任擔

也少者代之也

而悌達於道路矣居鄉以齒而老窮不

匱強不犯弱眾不暴寡而悌達於州巷矣古之

道五十不為甸役

五十始老不從力役之事不及田獵之徒也

頒禽

隆諸長者而悌達於蒐狩矣軍旅什伍同爵則

上齒而悌達于軍旅矣夫聖王之教孝悌發諸

朝廷行于道路至于州巷放于蒐狩修于軍旅

則眾同以義死之而弗敢犯也公曰善

哀公問於孔子曰寡人聞之東益不祥

東益東益宅也

信有之乎孔子曰不祥有五而東益不與焉夫

損人而自益身之不祥也弃老而取幼家之不

祥也釋賢而用不肖國之不祥也老者不教幼

者不學、俗之不祥也、聖人伏匿、愚者擅權、天下不祥也、故不祥有五、而東益不與焉、

子夏問

子夏問於孔子曰、記云、周公相成王、教之以世子之禮、有諸、孔子曰、昔者成王嗣立、幼未能蒞祚、周公攝政而治、抗世子之法於伯禽、欲成王之知父子君臣之道、所以善成王也、夫知爲人子者、然後可以爲人父、知爲人臣者、然後可以爲人君、知事人者、然後可以使人、是故抗世子

法於伯禽、使之與成王居、使成王知父子君臣長幼之義焉、

羣書治要卷第十

羣書治要卷第十一

秘書監鉅鹿男臣魏徵等奉 勅撰

史記上

本紀

黃帝者少典之子姓公孫有熊國君少典之子也名曰軒

轅而疾速也生而神靈弱而能言幼而侷齊侷疾也齊速也言聖德幼

侵伐而神農氏弗能征於是軒轅乃習用干戈

修德振兵以與炎帝戰于阪泉之野阪泉地名三戰

然後得其志，蚩尤作亂，乃殺蚩尤而代神農氏。

是為黃帝，東至于海，西至于空桐，山名也，在隴右。南至

于江北，逐葷粥，檢，梳也。邑于涿鹿之阿，遷徙往來

無常處，以師兵為營衛，置左右大監，監于萬國，

舉風后力牧常先大鴻以治民，順天地之紀，時

播百穀，勞勩心力，耳目節用水火材物，有土德

之瑞，故號黃帝。帝王世紀曰：神農氏衰，蚩尤氏

民始垂衣裳，以班上下，剡木為舟，剡木為楫，舟

擊柝，以待暴客，斷木為杵，掘地為臼，杵曰之，用

以利萬人，弦木為弧，剡木為矢，弧矢之利，以威

天下，諸侯咸叛，神農而歸之，討蚩尤氏，禽之于

涿鹿之野，諸侯有不服者，從而征之，凡五十二

戰，而天下大服，俯仰天地，置象官，故以風后配

上台，天老配中台，五聖配下台，謂之三公，其餘

地典力牧常先大鴻等，或以為師，或以為將，分

掌四方，各如已視，故號曰黃帝四目，又使岐伯

掌味草木，典醫疾，今經方本草之書咸出焉，其

史倉頡又象鳥迹，始作文字，自黃帝以上，允居

而野處，死則厚衣，以薪葬之，中野結繩以治，及

至黃帝，為築宮室，上棟下宇，以待風雨，而易以

棺槨，制以書契，百官以序，萬民以察，神而化之，

使民不倦，後作雲門咸池之樂，周禮所謂大咸

者也，於是人事畢具，黃帝在位百年而崩，年百

疑以問孔子，孔子曰：民賴其利，百年而崩，故曰三百

其神，百年而亡，民用其教，百年而移，故曰三百

濟作至

帝顓頊高陽者黃帝之孫昌意之子也養材以

任地載時以象天依鬼神以制義治氣以教化

繫誠以祭祀北至于幽陵南至于交趾西濟於

流沙東至於蟠木東海中有山焉名度索上動

靜之物大小之神日月所照莫不砥屬砥平也四遠皆

平而來服屬也帝王世紀曰帝顓頊平九黎之

亂使南正重司天以屬神火正黎司地以屬民

於是民神不雜萬物有序帝嚳高辛者高陽高辛皆所興地名也顓頊黃

帝之曾孫也生而神靈聰以知遠明以察微仁

而威惠而信修身而天下服取地之財而節用

之撫教萬民而利誨之歷日月而迎送之明鬼

神而敬事之其色郁郁其德嶷嶷其動也時其

服也士日月所照風雨所至莫弗從服帝王世

記曰帝嚳以人事紀官故以句芒為木正祝融為火正

蓐收為金正玄冥為水正后土為土正是五行

之官分職而治帝堯放勛其仁如天其智如神就之如日望之

如雲富而不驕貴而不舒帝王世紀曰帝堯置

欲諫之鼓命羲和四子羲仲羲叔和仲和叔分掌四時方嶽之職故名徵天下大和百姓無事有五老人擊壤於道

觀者歎曰大哉堯之德也老人曰日出而作日入而息鑿井而飲耕田而食帝力何有於我哉

墨子以為堯堂高三尺土階三等茅茨不剪椽椽不斲夏服葛衣冬服鹿裘

虞舜名曰重華父瞽叟頑母嚳弟象傲皆欲殺舜舜順適不失子道以孝聞於是堯乃以二女

妻舜以觀其內使九男與處以觀其外二女不敢以貴驕九男皆益篤舜耕歷山歷山之人皆

讓畔漁雷澤雷澤上人皆讓居陶河濱河濱器

皆不苦窳窳病也一年而所居成聚二年成邑三年

年成都是堯乃試舜五典百官皆治以揆百

事莫不時序流四凶族以禦螭魅堯乃使舜攝

行天子政堯崩天下歸舜帝王世紀曰舜立諱

古者三皇五帝設防而不犯故無陷刑之民是以或結繩而治或象畫而化自庖犧至于堯舜

神道設教可謂至政無所用刑矣夫三載考績黜陟幽明善無微不著惡無隱不章任自然以

誅賞委羣心以就制故能造御乎無為運道於至和百姓日用而不知含德若自有者也詩云

上天之載無聲無臭其斯之謂乎

夏禹名曰文命當堯之時洪水滔天舜登用乃

命禹平水土勞身焦思居外十三年過家門不

敢入薄衣食致孝于鬼神卑宮室致費於溝洫

舊無子
道二字
補之

以開九州通九道，陂九澤，度九山，行相地宜，所有以貢，東漸于海，西被于流沙，朔南暨

朔北方也聲

教訖于四海，於是帝錫禹玄圭，以告成功于天下，於是大平治，帝舜薦禹於天，舜崩，遂即天子

位，國號曰夏后，十七世，帝履癸立，是為桀，不務德而武傷百姓，百姓弗堪，湯脩德，諸侯皆歸湯

湯遂伐桀，桀走鳴條，遂放而死

南夷地名

湯始居亳，征諸侯，葛伯不祀，湯始伐

為夏方伯得專征伐

之，湯曰：予有言，人視水視形，視民知治，不伊尹

曰：明哉言，能聽道，迺進君國子民，為善者在王

官，勉哉勉哉，湯出見野張網，四面祝曰：自天下

四方皆入吾網，湯曰：嘻，盡之矣，乃去其三面，祝

曰：欲左左，欲右右，不用命，乃入吾網，諸侯聞之

曰：湯德至矣，及禽獸，當是時，夏桀為虐政，淫荒

湯乃伐桀，踐天子位，帝太戊立，伊陟為相

伊陟伊尹

也，亳有祥，桑穀共生於朝，一暮大拱

祥，妖怪也，二木合生

之，不恭，太戊懼，問伊陟曰：臣聞妖不勝德，帝之政

其有闕與，帝其修德，太戊從之，而祥桑枯死，殷

復興故稱中宗帝辛立天下謂之紂帝紂資辨捷疾聞見甚敏材力過人手格猛獸智足以拒諫飾是非之端矜人臣以聲以為皆出已之下好酒淫樂嬖於婦人愛妲己有蘇氏美女也妲己之言是從於是使師涓作新淫聲北里之舞靡靡之樂厚賦稅以實鹿臺之錢鹿臺在朝歌城中也而盈鉅橋之粟鉅橋鹿水之大橋也有漕粟益收狗馬奇物充伋官室益廣沙丘苑臺沙丘在鉅鹿東北多取野獸飛鳥置其中慢於鬼神以酒為池懸肉為林使男女僕相

逐其間為長夜之飲百姓怨望而諸侯有叛者於是紂廼重辟刑有炮烙之法膏銅柱加之炭上令有罪者行焉輒墮炭中妲己笑名曰炮烙之刑也以西伯昌九侯鄴縣有九侯城鄂侯為三公九侯有好女入之紂九侯女不憚淫紂怒殺之而醢九侯鄂侯爭之強并脯鄂侯西伯昌聞之竊歎紂囚西伯羨里河內湯陰有羨里城西伯之臣閔夭之徒求美女奇物善馬以獻紂紂廼赦西伯用費中為政費中善諛好利殷人弗親又用惡來善毀讒諸侯以此益疏多叛紂微子

數諫不聽，廼遂去。比干強諫，紂怒，剖比干觀其心。箕子懼，廼詳狂為奴。紂又囚之。周武王於是遂率諸侯伐紂，紂走，衣其寶玉衣，赴火而死。武王遂斬紂頭，懸之白旗，殺妲己，殷民大悅。

周后稷名弃，好耕農，天下得其利，有功，封於邵。曾孫公劉修后稷之業，民賴其慶。古公復修后稷公劉之業，積德行義，國人皆戴之。古公卒，季歷立。季歷卒，子昌立，是為西伯。西伯遵后稷公劉之業，則古公之法，敬老慈少，禮下賢者，日中

舊脫古
公卒至
季歷卒
九字補
之

不暇食，以待士，士以此多歸之。諸侯皆來決平，於是虞芮之人有獄不能決，乃如周。入界，耕者皆讓畔，民俗皆讓長。虞芮皆慙，俱讓而去。諸侯聞之，曰：「西伯蓋受命之君也。」武王即位，太公望為師，周公旦為輔，召公畢公之徒，左右王師，修文王緒業。聞紂昏亂暴虐，滋甚，於是伐紂。紂師皆倒兵以戰，武王遂入，斬紂，散鹿臺之錢，發鉅橋之粟，以振貧弱。封諸侯，班賜殷之器物。縱馬於華山之陽，放牛於桃林之墟，偃干戈，振兵釋

旅入曰振示天下不復用成康之際天下安寧

刑措四十餘年不用措者置也民不犯法無所置刑也穆王即

位將征犬戎祭公謀父諫祭畿內之國為王卿士謀父字也曰

不可先王耀德不觀兵戢而時動動則威觀則

玩玩則無震震懼也先王之於民也茂正其德而

厚其性阜其財求而利其器用明利害之鄉鄉方

也以文修之使務利而避害懷德而畏威故能

保世以滋大昔我先王世后稷以服事虞夏奕

世載德不忝前人至于文王武王昭前之光明

舊無財求而利其五字補之

而加之以慈和事神保民無不欣喜商王帝辛

大惡于民庶民不忍欣戴武王以致戎于商牧

非務武也勤恤民隱而除其害也夫先王之制

邦內甸服邦外侯服侯衛賓服此總言之也侯

夷蠻要服戎狄荒服甸服者祭祭日侯服者祀

賓服者享享也要服者貢貢也荒服者王

日祭月祀時享歲貢終王先王之順

祀外傳云先王之訓也有不祭則脩意先修志意有不祀

則修言言號令也有不享則修文文典法也有不貢則修

舊無有不祀則修言六字及注

言號令也四字補之

名

名謂尊卑職貢之名號也

有不王則修德

遠人不服則修文德以來之也

序成而有不至則修刑

序成謂上五者次序已成不至則有刑罰也

於是有刑不祭伐不祀征不享讓不貢告不王於是有刑罰之辟有攻伐之兵有征討之備有威讓之命有文告之辭布令陳辭而有不至則增脩於德無勤民於遠是以近無不聽遠無不服今犬戎氏以其職來王天子曰予必以不享征之且觀之兵無乃廢先王之訓而幾頓乎王遂征之得四白狼四白鹿以歸自是荒服者不

至諸侯有不睦者厲王即位好利近榮夷公芮良夫諫曰王室其將卑乎夫榮公好專利而不知大難夫利百物之所生也天地之所載也而有專之其害多矣天地百物皆將取焉何可專也所怒甚多而不備大難以是教王王其能久乎夫王人者將導利而布之上下者也使神人百物無不得極也猶日怵惕懼怨之來今王學專利其可乎匹夫專利猶謂之盜王而行之其歸鮮矣榮公有用周必敗王不聽卒以榮公

有作若

為卿士用事王行暴虐侈傲國人謗王召公諫

召穆公也曰民不堪命矣王怒得衛巫衛國之巫使監謗

者以告則殺之其謗鮮矣諸侯不朝王益嚴國

人莫敢言道路以目以目相王喜告召公曰吾

能弭謗矣乃不敢言召公曰是鄣之也防民之

口甚於防水水壅而潰傷人必多民亦如之是

故為水者決之使導為民者宣之使言故民之

有口猶土之有山川也財用於是有乎出猶其有

原隰衍沃也衣食於是乎生口之宣言也善敗

舊無出猶至是乎十四字補之

於是乎興夫民慮之心而宣之口成而行之若

壅其口其與能幾何王不聽於是國莫敢出言

三年乃相與叛襲王王出奔于燕宣王即位脩

政法文武成康遺風諸侯復宗周幽王嬖愛褒

姒欲廢后并去太子用褒姒為后以其子伯服

為太子褒姒不好笑幽王欲其笑萬方故不笑

幽王為舉烽火諸侯悉至至而無寇褒姒乃大

笑幽王欲悅之為數舉烽火其後不信益不至

王之廢后去太子也申侯怒乃與繒西夷犬戎

共攻王，王舉烽火徵兵，兵莫至，遂殺幽王驪山下。

秦繆公與晉惠公合戰，爲晉軍所圍，於是岐下食善馬者三百人，馳冒晉軍解圍，遂脫繆公，而反生得晉君，初繆公亡善馬，岐下野人共得而食之者三百餘人，吏逐得欲法之，繆公曰：君子不以畜產害人，吾聞食善馬肉不飲酒傷人，乃皆賜酒而赦之，三百人者聞秦擊晉，皆求從從，而見繆公窘，亦皆推鋒爭死，以報食馬之德，於

是繆公虜晉君以歸，我王使由余於秦，繆公示以宮室積聚，由余曰：使鬼爲之，則勞神矣，使人爲之，亦苦民矣，繆公怪之，問曰：中國以詩書禮樂法度爲政，然尚時亂，今我夷無此，何以爲治，不亦難乎？由余笑曰：此乃中國所以亂也，夫自上聖黃帝，作爲禮樂法度，身以先之，僅以小治，及其後世，日以驕淫，阻法度之威，以責督於下，下疲極，則以仁義怨望於上，上下交爭，怨而相篡弒，至於滅宗，皆以此類也，夫我夷不然，上含

淳德以遇其下，下懷忠信以事其上，一國之政，猶一身之治，不知所以治，此真聖人之治也。於是繆公退而問內史廖曰：孤聞隣國有聖人，敵國之憂也。今由余賢，寡人之害，將奈何？廖曰：戎王處僻匿，未聞中國之聲，君試遺其女樂，以奪其志，為由余請，以疏其間，君臣有間，乃可虜也。繆公曰：善。因以女樂二八遺戎王，戎王受而悅之。於是秦乃歸由余，由余數諫不聽，遂去降秦。繆公以客禮禮之，用由余謀伐戎王，益國十二。

開地千里，遂霸西戎。

秦始皇帝，莊襄王子也。名政，二十六年，初并天下，自號曰皇帝。事皆決於法，刻削無仁恩，收天下兵，聚之咸陽，銷以為鐘鐻，金人十二，置廷宮中。每破諸侯，寫放其宮室，作之咸陽北坂上。在長安西北，別名渭城。南臨渭，自雍門在高陵縣，以東至涇渭，殿屋複道，周閣相屬，所得諸侯美人鐘鼓，以充入之。三十二年，燕人盧生奏錄圖書曰：亡秦者胡也。胡，胡亥，秦二世名也。秦見圖書，不知此為人名，反備北胡。始皇乃使將軍

蒙恬發兵三十萬人北擊胡三十四年始皇置酒咸陽宮僕射周青臣曰他時秦地不過千里賴陛下神靈明聖平定海內日月所照莫不賓服以諸侯爲郡縣人人自安樂無戰爭之患傳之萬世自上古不及陛下威德始皇悅博士齊人淳于越進曰臣聞殷周王千餘歲封子弟功臣自爲枝輔今陛下有海內而子弟爲匹夫卒有田常六卿之臣無輔弼何以相救哉事不師古而能長久者非所聞也今青臣又面諛以重

陛下之過非忠臣也始皇下其議丞相斯曰五帝不相復三代不相襲各以治非其相反時變異也今陛下創大業建萬世之功固非愚儒所知也且越言乃三代之事何足法也今諸生不師今而學古以非當世惑亂黔首聞令下則各以其學議之入則心非出則巷議率羣下以造謗如此弗禁則主勢降於上黨與成乎下禁之便臣請史官非秦記皆燒之天下敢有藏詩書百家語者悉詣守尉雜燒之有敢偶語詩書弄

市

禁民聚語
畏其謗也

以古非今者族吏見知不舉與同

罪令下三十日不燒黥爲城且若欲有學法令以吏爲師三十五年作前殿阿房東西五百步南北五十丈上可以坐萬人下可以建五丈旗周馳爲閣道自殿下直抵南山表南山之顛以爲闕爲複道自阿房渡渭屬之咸陽以象天極閣道絕漢抵營室也隱宮徙刑者七十餘萬人分作阿房宮或作驪山發北山石椁乃寫蜀荆地材皆至關中計宮三百關外四百餘於是立

石東海上以爲秦東門因徙三萬家驪邑五萬家雲陽皆復不事十歲盧生說始皇曰臣等求芝竒藥仙者常弗遇類物有害之者人主所居而人臣知之則害於神願上所居宮無令人知然後不死之藥殆可得也於是始皇乃令咸陽之旁二百里內宮觀二百七十複道甬道相連帷帳鐘鼓美人充之案署不移徙行所幸有言其處者罪死自是後莫知行所在侯生盧生相與謀曰始皇爲人天性剛戾以爲自古莫及已

專任獄吏，獄吏得親幸，博士雖七十人，特備員弗用，樂以刑殺爲威，天下畏罪持祿，莫敢盡忠，上不聞過而日驕，下懾伏謾欺以取容，天下之事無小大皆決於上，貪於權勢至如此，未可爲求仙藥，於是乃亡去。始皇聞亡，乃大怒曰：「盧生等，吾尊賜之甚厚，今乃誹謗我也。」諸生在咸陽者，或爲詆言，以亂黔首。於是使御史悉案問諸生，諸生傳相告引，犯禁者四百六十餘人，皆坑之咸陽，使天下知之以懲後。長子扶蘇諫，始皇

怒，使扶蘇北監蒙恬於上郡。三十六年，熒惑守心，有墜星下東郡，至地爲石，黔首或刻其石曰：「始皇帝死而地分。」始皇聞之，遣御史逐問，莫服，盡取石旁居人誅之。三十七年，始皇出遊，丞相斯、少子胡亥從，至平原津而病，病益甚，乃爲璽書賜公子扶蘇曰：「與喪會咸陽而葬。」始皇崩，趙高乃與胡亥、李斯陰謀，更詐爲始皇遺詔，立子胡亥爲太子，賜扶蘇、蒙恬死。

二世皇帝元年，趙高爲郎中令，掌宮殿門戶，任用事。

二世與高謀曰先帝巡行郡縣以示強威服海內今晏然不巡行卽見弱無以臣畜天下二世東行郡縣遵用趙高乃陰與高謀曰大臣不服官吏尚強及諸公子必與我爭爲之奈何高曰臣固願言而未敢也先帝之大臣皆天下累世名貴人也積功勞世以相傳久矣今高素小賤陛下幸稱舉令在上位管中事大臣鞅鞅特以貌從臣其心實不服也今上出不因此時案郡縣守尉有罪者誅之上以振威天下下以除上

生平所不可者今時不師文而決於武力願陛下遂從時無疑卽羣臣不及謀矣明主收舉餘民賤者貴之貧者富之遠者近之則上下集而國安矣二世曰善乃行誅大臣及諸公子以罪過連逮無得立者而六公子戮死於杜羣臣諫者以爲誹謗大吏持祿取容黔首振恐戍卒陳勝等反山東郡縣皆殺其守尉令丞反以應陳涉不可勝數也謁者使東方來以反者聞二世怒下吏後使者至上問對曰羣盜郡守尉方逐

舊無
功亦誅
四字補
之

捕今盡得不足憂上悅三年章邯等圍鉅鹿邯
等數却二世使人讓邯邯使長史欣請事趙高
弗見又弗信欣恐亡去欣見邯曰趙高用事於
中將軍有功亦誅無功亦誅邯等遂以兵降諸
侯趙高欲爲亂恐羣臣不聽乃先設驗持鹿獻
於二世曰馬也二世笑曰丞相誤耶謂鹿爲馬
問左右左右或言馬以阿順趙高或言鹿高因
陰中以法後羣臣畏高高前數言關東盜無能
爲及項羽虜將王離等自關以東大氏盡叛高

恐二世怒誅及其身乃謝病不朝見二世夢白
虎齧其驂馬殺之心不樂怪問占夢卜涇水爲
祟二世乃齊望夷宮欲祠涇沈四白馬使使責
讓高以盜賊事高懼乃陰與其塔咸陽令閻樂
其弟趙成謀使郎中令爲內應詐爲有大賊令
樂召發吏卒追樂將吏卒千餘人至望夷宮前
卽二世數曰足下驕恣誅殺無道天下叛足下
足下其自爲計二世曰丞相可得見否樂曰不
可二世曰吾願得一郡爲王弗許又曰願爲萬

戶侯弗許曰願與妻子爲黔首比諸公子閻樂曰臣受命於丞相爲天下誅足下足下雖多言臣不敢報二世自殺趙高乃立二世之兄子公子嬰爲秦王令子嬰齋當廟見受玉璽齋五日子嬰稱病不行高自往曰宗廟重事王奈何不行子嬰遂刺殺高於齋宮三族高家以徇咸陽子嬰爲秦王四十六日沛公破秦軍至霸上子嬰奉天子璽符降軹道旁諸侯兵至項籍殺子嬰及秦諸公子宗族遂屠咸陽燒其宮室虜其子女收其珍寶貨財諸侯共分之

太史公曰秦自穆公以來稍蠶食諸侯竟成始皇始皇自以爲功過五帝地廣三王而羞與之侔足已不問遂過而不變二世受之因而不改暴虐以重禍子嬰孤立無親危弱無輔三主惑而終身不悟亡不亦宜乎當此時也世非無深慮知化之士也然所以不敢盡忠拂過者秦俗多忌諱之禁忠言未卒於口而身爲戮沒矣故使天下之士傾耳而聽重足而立鉗口而不言

是以三主失道，忠臣不敢諫，智士不敢謀，天下已亂，姦不上聞，豈不哀哉！先王知雍蔽之傷國也，故置公卿大夫士，以飭法設刑，而天下治，其強也；禁暴誅亂，而天下服，其弱也。五伯征而諸侯從，其削也；內守外附，而社稷存，故秦之盛也。繁法嚴刑，而天下振，及其衰也，百姓怨而海內叛矣。故周得其道，千餘歲不絕；秦本末並失，故不長久。由此觀之，安危之統，相去遠矣。野諺曰：前事之不忘，後事之師。是以君子爲國，觀之上

古，驗之當世，參以人事，察盛衰之理，審權勢之宜，去就有序，變化應時，故曠日長久而社稷安矣。秦孝公據殽函之固，擁雍州之地，君臣固守，而窺周室，有席卷天下，包舉宇內，囊括四海之意，并吞八荒之心。當是時，商君佐之，內立法度，務耕織，修守戰之備，外連衡而鬪諸侯。於是秦人拱手而取西河之外。惠王武王蒙故業，因遺冊，南兼漢中，西舉巴蜀，東割膏腴之地，收要害之郡。諸侯恐懼，會盟而謀弱秦，不愛珍器重寶

肥美之地，以致天下之士，合從締交。締，結也。相與為一。當是時，齊有孟嘗，趙有平原，楚有春申，魏有信陵。此四君者，皆明智而忠信，寬厚而愛人，尊賢而重士，約從離衡，并韓魏燕趙宋衛中山之眾。於是六國之士，有寧越、徐尚、蘇秦、杜赫之屬，為之謀。陳軫、樓緩、蘇厲、樂毅之徒，通其意。吳起、孫臏、田忌、廉頗之朋，制其兵。常以十倍之地，百萬之眾，叩關而攻秦。秦人開關延敵，九國之師，逡巡而不敢進。秦無亡矢遺鏃之費，而天下

諸侯已困矣。於是從散約解，爭割地而奉秦。秦有餘力，而制其弊。因利乘便，宰割天下，分裂河山。強國請服，弱國入朝。及至秦王，續六世之餘烈。孝公、惠文、王武、王昭、王孝、文、王莊、襄、王。振長策而御宇內，吞二周而亡諸侯，履至尊而制六合，執極拊。拊，拍也。一作槁。以鞭笞天下，威振四海。南取百越之地，北築長城，胡人不敢南下而牧馬，士不敢彎弓而報怨。於是廢先王之道，焚百家之言，以愚百姓，隳名城，殺豪俊，收天下之兵，聚之咸陽，銷鋒鑄鐻。

以為金人十二以弱黔首之民然後斬華為城

斷華山為城也因河為津據億丈之城臨不測之谿以

為固良將勁弩守要害之處信臣精卒陳利兵

而誰何何猶問也秦王之心自以為關中之固金城

千里子孫帝王萬世之業也秦王既沒餘威振

殊俗陳涉甕牖繩樞之子以繩繫戶樞也甕瓦甕為窓也眡隸之

人眡民才能不及中人非有仲尼墨翟之賢陶朱

猗頓之富躡足行伍之間出倔起什佰之中首出

十長佰長中也率疲散之卒將數百之眾斬木為兵揭

出作而

竿為旗天下雲集響應贏糧而景從山東豪俊

遂並起而亡秦族矣且夫天下非小弱也雍州

之地殺函之固自若陳涉之位非尊於齊楚韓

魏之君鉏耰棘矜以鉏柄及棘作矜禮也耰椎塊椎也非鏃於長

鑕矛戟長刃矛也適戍之眾非抗於九國之師深謀

遠慮行軍用兵之道非及向時之士也然而成

敗異變功業相反試使山東之國與陳涉度長

絜大絜束之絜比權量力則不可同年而語矣然秦

以區區之地千乘之權招八州而朝同列百有

餘年矣、然後以六合爲家、殽函爲宮、一夫作難、而七廟墮、身死人手、爲天下笑者、仁義不施、而攻守之勢異也。秦兼諸侯、南面稱帝、天下之士、斐然向風、元元之民、冀得安其性命、莫不虛心而仰上、當此之時、守威定功、安危之本、在於此矣。秦王懷貪鄙之心、行自奮之智、不信功臣、不親士民、廢王道、立私權、禁文書、而酷刑法、先詐力而後仁義、以暴虐爲天下始、孤獨而有之、故其亡可立而待、借使秦王計上世之事、並殷周

之迹、以制御其政、後雖有淫驕之主、而未有傾危之患也。故三王之建天下、名號顯美、功業長久、今秦二世立、天下莫不引領而觀其政、夫寒者利短褐、小襦也而飢者甘糟糠、天下之嗷嗷、斯新主之資也。此言勞民之易爲仁也。向使二世有庸主之行、而任忠賢、臣主一心、而憂海內之患、縞素而正先帝之過、裂地分民、以封功臣之後、建國立君、以禮天下、虛囹圄而免刑戮、除去收帑汙穢之罪、使各反其鄉里、發倉廩、散財幣、

以振孤獨窮困之士、輕賦少事、以佐百姓之急、約法省刑、以持其後、使天下之人皆得自新、更節修行、各慎其身、塞萬民之望、而以威德與天下、天下集矣、卽四海之內皆謹然、各自安樂其處、唯恐有變、雖有狡猾之民、無離上之心、則不軌之臣、無以飾其智、而暴亂之姦止矣、二世不行此術、而重之以無道、更始作阿房之宮、繁刑嚴誅、賦歛無度、天下多事、百姓困窮、然後姦僞並起、而上下相遁、蒙罪者衆、而天下苦之、自君

卿以下、至于衆庶、人懷自危之心、咸不安其位、故易動也、是以陳涉不用湯武之賢、不藉公侯之尊、奮臂於大澤、而天下響應者、其民危也、故先王見始終之變、知存亡之機、是以牧民之道、務在安之而已、天下雖有逆行之臣、必無響應之助矣、故曰、安民可與行義、而危民易與爲非、此之謂也、貴爲天子、富有天下、身不免於戮殺者、正傾非也、是二世之過也、

世家

舊無世
家二字
加之

舊無齊字補之

齊釐公同母弟夷仲年死其子曰公孫無知釐公愛之令其秩服奉養比太子襄公立緇無知秩服無知怨數欺大臣羣弟子糾奔魯管仲召忽傅之小白奔莒鮑叔傅之及雍林人殺無知高國先陰召小白於莒魯亦發兵送子糾而使管仲將兵遮莒道射中小白帶鉤小白已立欲殺管仲鮑叔曰君將治齊則高偁與叔牙足矣君且欲霸王非管夷吾不可於是桓公厚禮以為大夫任政齊人皆悅於是始霸焉管仲病桓

舊無桓公卒三字補之

公問曰羣臣誰可相者管仲曰知臣莫如君公曰易牙何如對曰殺其子以適君非人情也不可公曰開方何如對曰背親以適君非人情也難近衛公子開方也公曰豎刁何如對曰自宮以適君非人情也難親管仲死而桓公不用管仲言卒近用三子三子專權桓公卒易牙與豎刁因內寵殺羣吏羣吏諸大夫也內寵內官之有權寵者而立公子無詭為君太子昭奔宋桓公病五公子各樹黨爭立及桓公卒宮中空莫敢棺桓公屍在床上六十

七日屍蟲出于戶

周公旦者周武王弟也封於魯成王使其子伯禽代就封於魯周公戒伯禽曰我文王之子武王之弟成王之叔父我於天下亦不賤矣然我一沐三捉髮一飯三吐哺起以待士猶恐失天下之賢人子之魯慎無以國驕人武公與長子括少子戲朝宣王宣王愛戲欲立為魯大子仲山父諫曰廢長立少不順不順必犯王命犯王命必誅之故出令不可不順也令之不行政之

不立

令不行則政不立也

今天子建諸侯立其少是教民

逆也若魯從之諸侯効之王命將有所壅

言先王立

長之命將壅塞不行也

若弗從而誅之是自誅王命也

先王

之命立長今魯亦立長若誅之是自誅王命也

誅之亦失不誅亦失

誅之

則王命廢也

王其圖之弗聽卒立戲為太子是

為懿公括之子伯御攻弑懿公宣王伐魯殺伯

御自是後諸侯多叛王命

燕昭王於破燕之後即位卑身厚幣以招賢者謂郭隗曰齊因孤之國亂而襲破燕孤極知燕

小力少不足報，然得賢士與共國，以雪先王之耻，孤之願也。先生視可者，得身事之。郭隗曰：王必欲致士，先從隗始。況賢於隗者，豈遠千里哉？於是昭王爲隗改築宮而師事之。樂毅自魏往，鄒衍自齊往，劇辛自趙往，士爭趨燕。燕王遂以樂毅爲上將軍，與秦楚三晉合謀以伐齊。齊兵敗，湣王出亡於外，燕兵獨追北，入至臨淄，盡取齊寶，燒其宮室宗廟，齊城之不下者，唯獨聊莒。卽墨其餘皆屬燕。昭王卒，惠王爲太子時，與樂

毅有隙，及卽位，疑毅，使騎劫代將。樂毅亡走趙，齊田單以卽墨擊敗燕軍，騎劫死。燕兵引歸齊，悉復得其故城。

微子開者，紂之庶兄也。紂旣立，不明淫亂於政，微子數諫，箕子者，紂親戚也。紂爲象箸，箕子歎曰：彼爲象箸，必爲玉杯，爲玉杯，則必思遠方珍怪之物而御之矣。輿馬宮室之漸，自此始，不可振也。紂爲淫泆，箕子諫不聽，乃被髮詳狂。王子比干見箕子諫不聽，乃直言諫。紂怒曰：吾聞

聖人之心有七竅信有諸乎乃遂殺王子比干
剗視其心微子曰人臣三諫不聽則其義可以
去矣於是遂行周公誅武庚乃命微子代殷後
奉其先祀曰宋

唐叔虞者周成王弟也成王與叔虞戲削桐葉
為珪以與叔虞曰以此封若史佚因請擇日立
叔虞成王曰吾與之戲耳史佚曰天子無戲言
言則史書之禮成之樂歌之於是遂封叔虞於
唐

趙無趙
字補之

趙烈侯好音謂相國公仲連曰寡人有愛可以
貴之乎公仲曰富之可貴之則否烈侯曰然夫
鄭歌者槍石二人吾賜之田人萬畝公仲曰諾
不與居一月烈侯從代來問歌者田公仲曰求
未有可者有頃烈侯復問公仲終不與乃稱疾
不朝番吾君常山有番吾縣自代來謂公仲曰君實好
善未知所持今公仲相趙於今四年亦有進士
乎公仲曰未也番吾君曰牛畜荀欣徐越皆可
公仲乃進三人及朝烈侯復問歌者田何如公

仲曰方使擇其善者牛畜侍烈侯以仁義約以王道明日荀欣侍以選練舉賢任官使能明日徐越侍以節財儉用察度功德所與無不充君悅烈侯使使謂相國曰歌者之田且止官牛畜為師荀欣為中尉徐越為內史賜相國衣二襲

單復具為一襲也

魏文侯受子夏經藝客段干木過其閭未嘗不軾也秦嘗欲伐魏或曰魏君賢人是禮國人稱仁上下和合未可圖也文侯由此得譽於諸侯

文侯謂李克曰先生嘗教寡人曰家貧則思良

妻國亂則思良相今所置非成則璜文侯弟二名成也

子何如對曰君不察故也居視其所親富視其

所與達視其所舉窮視其所不為貧視其所不

取五者足以定之矣何待克哉文侯曰寡人相

定矣李克曰魏成子為相矣翟璜忿然作色曰

以耳目之所睹記臣何負於魏成子西河之守

臣之所進也君內以鄴為憂臣進西門豹君謀

欲伐中山臣進樂羊中山已拔無使守之臣進

先生君之子無傳、臣進屈侯鮒、臣何以負於魏成子、李克曰、且子之言克於子之君者、豈將比周以求大官哉、且子安得與魏成子比乎、魏成子以食祿千鍾、什九在外、什一在內、是以東得卜子夏、田子方、段干木、此三人者、君皆師之、子所進五人者、君皆臣之、子惡得與魏成子比也、翟璜逡巡再拜曰、璜鄙人也、失對、願卒爲弟子矣、

齊威王初卽位、九年之間、諸侯並伐、國人不治、於是威王召卽墨大夫語之曰、自子之居卽墨也、毀言日至、然吾使人視卽墨、田野開、民人給、官無留事、東方以寧、是子不事吾左右以求譽也、封之萬家、召阿大夫語之曰、自子之守阿、譽言日聞、然使使視阿、田野不開、民貧苦、昔日趙攻甄子、弗能救、衛取薛陵、而子弗知、是子以幣厚吾左右以求譽也、是日烹阿大夫及左右嘗譽者、皆并烹之、遂起兵西擊趙、衛、敗魏於濁澤、於是齊國震懼、人人不敢飾非、務盡其誠、齊國

大治諸侯聞之莫敢致兵於齊二十四年與魏王會田於郊魏王問曰王亦有寶乎威王曰無有梁王曰若寡人國小也尚有徑寸之珠照車前後各十二乘者十枚奈何以萬乘之國而無寶乎威王曰寡人之所以為寶與王異吾臣有檀子者使守南城則楚人不敢為寇東取泗上十二諸侯皆來朝吾臣有盼子者使守高唐則趙人不敢東漁於河吾吏有黔夫者使守徐州則燕人祭北門趙人祭西門

齊之北門西門也言燕趙之人畏見

侵伐故祭以求福也

徙而從者七千餘家吾臣有種首者使備盜賊則道不拾遺將以照千里豈特十二乘哉梁惠王慙不懌而去

羣書治要卷第十一

<p>...</p>	<p>...</p>	<p>...</p>	<p>...</p>	<p>...</p>	<p>...</p>	<p>...</p>	<p>...</p>	<p>...</p>	<p>...</p>	<p>...</p>
------------	------------	------------	------------	------------	------------	------------	------------	------------	------------	------------

...

...

...

...

...

...

...

...



